

四庫全書

集部

欽定四庫全書

集部

四六標準卷三十二

詳校官庶吉士臣何道沖

主事臣呂雲棟覆勘

總校官進士臣繆琪

校對官助教臣羅萬選

謄錄監生臣郭坦

欽定四庫全書

四六標準卷三十一

宋 李劉 撰

教官

宋初有四書院廬山白鹿洞嵩陽嶽麓應天府未建州學也乾道元年兗州守臣孫奭私建學

舍聚生徒乞請太學助教楊光輔充本州講從之餘鎮未置學也景祐四年詔藩鎮始立學他州勿聽也寶元元年潁州守臣蔡齊請立學時大郡始立學而小郡猶未置也慶曆四年詔諸路州軍監各令立學學者二百人以上許吏置縣學於是州郡不置學者鮮矣又置教授以三年為一任以經術行義訓導諸生掌其課試之事而糾正其不如規者委運司及長吏於幕職州縣官內薦教授或本處舉人舉有德藝者充當時雖置教授或用兼官或舉士人委於漕司而未隸朝廷也熙寧六年詔諸路學官竝委中書門

下差選至是教授始命於朝廷矣元豐元年州府學官共五十三員諸路惟大郡有之軍監蓋未盡有也元祐元年詔齊廬宿常等州各置教授一員自是以後列郡多有教官矣

通武岡陳教授

震

造託湘流疑已就碧油之幕

賈誼傳造託湘流兮敬弔先生師古曰造至也言至

湘水而因託其流也造十到反方干詩問津求拜碧油幢歐陽詹詩十萬貔貅擁碧油

延緣巫水

乃聞還絳帳之紗

莊子延緣葦間柳文武岡銘黔山之巘巫水之磻馬融傳常坐高堂施絳

紗帳前授生徒後列女樂詳見前

愧執訊之已稽

詩執訊連連詳見前

盍通名而

告至恭惟某官學探千載文擅一家

司馬遷傳究天人之際通古今之變

成一家之言

聲摩殿前皆三誦阿房之賦

李賀詩殿前作賦聲摩空餘見前

禮羅幙下顧載歌泮水之詩茲聞章交行即陛覲

竝見前

紫皇好學正爾恢天網之收

晉天文志紫宮為帝皇之居又紫微大帝之座天子

之常居也又紫微宮中鈎陳一星曰天皇大帝傳咸天地賦帝皇正坐於紫宮山谷詩紫皇訪問富春秋又天

恢獵德網日饒養賢鼎魏文帝典論設天網以該之

黃閣招賢會亟勸露門之講

公孫弘傳開東閣以延賢人周書武帝平齊幸熊安生第拜露門博士保定中置露門學沈重於露門館講論

語詳見前

州縣徒勞人耳

梁竦傳州縣之職徒勞人耳

將相寧有種乎

史記

陳涉世家王侯將相寧有種乎

某垂老無聞甚愚不肖向者誨諸生於

館下要是牛溲

韓文晨入太學招諸生立館下誨之曰云云又牛溲馬勃敗鼓之皮

茲焉

試別駕之治中亦非驥足

蜀志魯肅遺先主書曰龐士元非百里才也使處治中別

駕之任始當展其驥足耳

不曰丞哉之余負

韓文丞哉丞哉余不負丞而丞負余

亦惟

善者之吾師

左傳鄭人游於鄉校以論執政然明曰毀鄉校何如子產曰其所善者吾則行之其

所惡者吾則改之是

儻諧半面之期

謝承書應奉年二十時嘗詣彭城相

袁賀賀時出行閉門造車匠於內開扇出半面視奉奉即委去後數十年於路見車匠識而呼之北齊書楊愔

聰記強識半面不忘元稹詩半面契終始陳後山詩平生天上張公子尚記門間半面人

亦勝交臂

之失

莊子吾終身與女交一臂而失之史記西南事秦交臂而服漢書交臂受事屈膝請和

監州

無螭恐非直杯水之官

東坡詩欲問君王乞符竹但愁無蟹有監州隋書趙軌傳為齊

州別駕詔徵入朝父老揮涕曰公清如水請酌一杯水奉餞詳見前

廣文有檀幸或作數

旬之客

杜詩廣文到官舍繫馬堂階下醉即騎馬歸頗遭官長罵才名二十年坐客寒無檀賴有蘇司

業時時與酒錢舊唐書韋思謙傳左肅機皇甫公義檢校沛王府長史引思謙為同府倉曹謂思謙曰公豈池中之物屈公為數旬之客以望此府耳

回武岡連教授

嶧

補黔中之上佐問字茫然

新唐書王忠嗣傳明日見責不失一金吾羽林將軍歸宿

衛不者黔中上佐耳詳見前揚雄耆酒好事者載酒從之問奇字東坡詩未許中郎得異書且與揚雄說奇字

聞稷下之諸生迎師幸甚

史記齊稷下學士復盛且數百人劉向別錄齊有稷門

城門也談說之士期會於稷下也索隱曰齊地記曰齊城西門側系水左右有講室趾往往存焉蓋因側系水故曰稷門古稷側音相近耳又虞喜曰齊有稷山立館其下以待游士亦異說也春秋傳曰莒子如齊盟于稷門是

未遑執訊

見首條

先辱鳴謙

易上六鳴謙注上六最處於外不與內改故但

有聲名之謙此斷章取義

恭惟某官正學純明

儒林傳公孫子務正學以言

懿文

炳蔚一門三秀聯翩千佛之題

新唐書杜正倫傳隋世重舉秀才天下不十人

而正倫一門三秀才皆高第為世歆美詳見前

六館十年卓犖諸儒之侶

韓文卓犖

為傑新唐書韓愈傳贊以六經之文為諸儒倡

顧棲鸞於矮屋

仇覽傳署考城王簿王渙曰枳

棘非鸞鳳所棲開元天寶遺事張象為華陰簿為守令
所抑嘆曰大丈夫拘於下位若立身矮屋之下使人擡
頭不得又繫馬於堂階見上君子所樂三在得英才而教

育天下達道五正須師席之琢磨

荀子人之於文學也猶玉之於琢磨也

佇令巫水之礪

見上

咸識沂風之詠遶班玉筍

山谷詩誰憐舊

日青錢選不立春風玉筍班

遂講金華

漢書上方嚮學鄭寬中與張禹朝夕入說尚書論語於金

華殿中詔班伯受焉

某典午非材

韓詩長慙典午非材識得就間官即至公

同寅何幸

君來重席底虞坐客之無羶

謝承後漢書戴憑字次仲世祖正旦朝賀令羣臣說

經更相難詰義有不通輒奪其席以益通者憑遂重坐五十餘席杜詩坐客寒無羶

丞未金聲尚

聽講經之有寄

黃霸傳長吏許丞年老病聾邊韶傳腹便便五經寄

代回武岡何教授談

老形已具久欲掛神武之冠

陳後山詩老形已具臂膝痛南史陶弘景傳家貧求

縣令不遂脫朝服挂神武門上表辭祿詔許之

族姓未寒幸不冷廣文之席

此啓

蓋代月胡故云

有來雙鯉如對三鱣

揚震傳有三冠雀銜三鯉魚飛集講堂前都講取魚

進曰蛇鱣者卿大夫服之象也數三者法三台也注鱣音善鱣魚長者不過三尺黃地黑文故云卿大夫服之

象此音張連切

恭惟某官挺特令名飛騰茂實園橋策足振鬣

先登方策蟠胸摘髭獨晚

並見前

邂逅泮林之集

詩集于泮林

頡頏蓬島之游某急景凋年

鮑昭舞鶴賦窮陰殺節急景凋年李商隱詩急景倏

云暮頡年浸已衰

閒官窘步

韓詩得就閒官即至公離騷經何桀紂之昌披兮夫唯捷徑以窘步

窘急也

閉蕃於六館之空舍其亦有施乎

昌黎何蕃傳蕃純孝人也閑親

之老不自克一日揖諸生歸養於和州諸生不能止乃閉蕃空舍中於是六館之士言於陽先生城請諭留蕃又譬之水川者高澤者卑高者流卑者止天將雨水識氣上無擇於川澤之高下然則澤之道其亦有施乎

堅也十年為故人將賀其鳴已

昌黎送何堅序其識堅也十年為故人又吾聞

鳥有鳳者恒出於有道之國當漢時黃霸為潁川是鳥實集而鳴焉若史可信堅歸吾將賀其見鳳而聞其鳴已也

回白教授

酉中

舉爾所知期不辱賢材之實與我共理亦惟賴庠序之

申循吏傳與我共此者其惟良二千石乎

何勤撝謙

易无不利撝謙注指撝皆謙動合於禮

更加異謝恭惟某官器能膚敏學問純明問一得三子

職早深於學禮喝五作六甲科共後於為郎

晉書劉毅於東府聚

樗蒲餘人並黑牘以還唯劉裕及毅在後毅次擲得雉大喜謂同座曰非不能盧不事此耳裕惡之曰老兄試為卿答既而四子俱黑其一子轉躍未定裕厲聲喝之即成盧焉五木經注雉為二梟為六盧為四儒林傳歲課甲科四十人為郎中乙科二十人為太子舍人丙科四十人補文學掌故云

茲暫憩於冷檀

合亟膺於溫綽其愛莫之助情見乎辭

繫辭聖人之情見乎辭繫

馬階前切勿羨諸公之衮衮銜鱸堂上正須效夫子之

循循

俱見前

回白教授

酉中

法從舉賢誠知人矣

揚雄傳每上甘泉常法從師古曰法從者以言法當從耳一曰從法

駕也婁師德傳武后問狄仁傑曰師德知人乎對曰臣嘗同寮未聞其知人也后曰朕用卿師德薦也誠知人

矣廣文道謝何至我哉

董仲舒傳此言何為至於我哉

靖惟暗中摸索

之明何待送上吹噓之助

俱見前

恭惟某官器中瑚璉

見前

行存宮庭

荀子是君子之所以騁志意於壇宇宮庭也注宮謂之室庭門屏之內也君子雖騁志意

論說不出此壇宇宮庭之內也

蒙求我而我匪求蒙識其大者

易匪我求童蒙

童蒙求我注闇者求

明明者不諉於闇

學優仕而仕則優學人自即之

野王

三老傳是以即人者人亦即之東坡答山谷書此人如精金美玉不即人而人即之

是宜四牡之

章不待雙魚之請

見前

某初無寸力過辱尺箋上臣事君

以人斯為可賀

荀子下臣事君以貨中臣事君以身上臣事君以人

貪天之功為

已則不敢知

左傳竊人之財猶謂之盜況貪天之功以為己力乎

回白教授

酉中

下車聞庠序之教亟欲引賢

華嶠後漢書衛颯遷桂陽太守下車修庠序之教設

婚姻之禮暮年間邦俗從化

積閱限銓選之文甫能剡奏

史記明其等曰閱積

其功曰閱車千秋傳無伐閱功勞師古曰伐積功也閱經歷也吏部掌三銓選法言奏不剡

是亦公

舉何費屬辭恭惟其官行無玼瑕

瑕玉病疵黑類左傳予取予求不爾瑕疵

學有源委

禮記學記三王之祭川也皆先河而後海或源也或委也此之謂務本

繫堂下

之馬安能鬱鬱以久居

韓信傳吾亦欲東耳安能鬱鬱久居此乎

釣海上之

鰲行即飄飄而高舉

侯鯖錄李白謁宰相封一板上題曰海上釣鰲客宰相問曰先生臨

滄海釣巨鰲以何物為釣綸白曰以風波逸其情乾坤縱其志以虹蜺為絲明月為釣又問何物為餌曰以天

下無義氣丈夫聊助鼓旗之譟左傳師之耳目在吾旗

為餌宰相疎然馬四集幡旗蔽野恂乃令士卒乘城鼓譟六一居士詩

安得二子接揮鋒兩交銳我亦願助勇鼓旗譟其旁

何勤珠玉之投某愛莫助之顏之厚矣詩巧言如簧

鼎不程其力聊復露章禮記引重鼎不程其力何武傳

推轂有味其言更祈強學強上聲禮記夙夜強

回白教授酉中

二毛五馬何知千騎之榮杜詩人生五馬貴不受二毛

夫婿居尺素雙魚倏拜三鱣之辱左傳拜命之

上頭辱餘見前

未能先

施敢缺報章恭惟某官武安故家

史記白起傳起攻楚拔郢秦以郢為南郡

白起遷為武安君

文公宿學

新唐書白居易傳遺命毋請諡敏中為相請諡有司曰文

丁年

出使便入對天子之庭

李陵答蘇武書丁年奉使皓首而歸丁年謂壯年也梁書王僧

孺傳丁年蓄積與此銷亡盧照隣詩丁年遊蜀道斑鬢向長安溫庭筠詩回日樓臺非甲帳去時冠蓋是丁年

王荆公詩丁年結客盛游從宛洛羶車處處逢

甲科為郎何至落諸侯之客

杜詩

甫也諸侯老賓客又早作諸侯客餘見上條

佇由芹水徑上蓬山某濫領斗

州南宋史典籤之權重宗慤為豫州典籤多所連執慤大怒曰慤年六十得一州如斗大不能復與典籤共

臨之又捫井絡

蜀道難捫參歷井仰脅息河圖岷山之地

上絡東井帝以會昌神以建福斗井宿名

杜陵十暑復重尋流汗之炎

杜詩十暑岷山葛又炎赫衣流汗低垂氣不蘇又亭

午減汗流北隣耐人恬

范叔一寒行可伴無羶之冷其為欣幸曷

既鋪茶

竝見前

代回王教授

同

八公同辰推薦賢之轂

晉書職官志世祖武皇帝即位之初以安平王孚為太宰鄭冲

為太傅王祥為太保司馬望為太尉何曾為司徒荀顗為司空石苞為大司馬陳騫為大將軍世所謂八公同

辰攀雲附翼者也互見前

一第溷子寒坐客之羶

新唐書元結傳舉進士禮部侍郎楊

浚見其文曰一第恩子耳有司得子是賴果擢上第復舉制科互見前

輒用名聞何勤私

謝恭惟某官學省佳士

新唐書歸崇敬傳天子學曰辟雍故前世或曰璧池或曰璧治

亦言學省沈約有學省愁臥詩注學省國學也山谷詩學省得佳士又學省非簿領又學省困蘊鹽詞塲

雋人何蕃貌不任其心而行焯焯

昌黎太學生何蕃傳蕃之力不任其體其

貌不任其心又司業祭酒撰次蕃之羣行焯焯者數十餘事以升之於禮部而以聞於天子焯音灼仲舒

言有補於世其對洋洋鴉既集於泮林

見前

鳳當巢於阿

閣尚書中候堯即政七十年鳳凰止庭伯禹拜曰黃帝軒轅氏鳳皇巢阿閣謹樹韓詩外傳黃帝時鳳凰止

阿閣隋律志毛爽云黃帝聽鳳阿閣之下始造十二律

平昌足信況有李翱之言

昌黎答楊子書近又得李七翱書亦云足下之文遠其兄甚夫以平昌之賢其言一人固足信矣況又崔與李

繼至而交說耶

翁歸不私何害山陽之託

尹翁歸傳拜東海太守於定國家在東海

欲屬託邑子兩人令坐後堂待見定國與翁歸語終日不敢見其邑子既去定國乃謂邑子曰此賢將汝不任事也不可干以私

吾徒得君重耳

汲黯傳吾徒得君重注徒但也重威重也

子亦來

見我乎某過辱臨存

嚴助傳使重臣臨存

更勤責况

臨貴卦名

扈甘泉

之八十一乘殊愧所蒙

揚雄傳每上甘泉常法從在屬車間豹尾中服虔曰大駕屬車

八十一乘詳見前晉書羊祜表臣雖小人敢緣所蒙念存斯義

登凌煙者二十四人更

祈自勉

唐會要貞觀十七年詔曰甘露良佐麟閣著其美建武功臣雲臺紀其跡無忌等二十四人宜

酌故實並圖畫凌煙閣

二十四人詳第十四卷



四六標準卷三十一

欽定四庫全書

四六標準卷三十二

宋 李劉 撰

州官

詳各
題下

通宋簽判

億○赴寧鄉簿作○宋太平興國中以
贊善大夫十五員充諸州節度判官以

王化基韋亶武元頴等為之蓋太宗以諸州戎幕
缺官選朝士補之俾分理事且試其才此簽判所
由始也蓋選人則為判官京官則為簽判總理諸
案文移斟酌可否以白於其長而罷行之今按通
判為州佐簽判為州幕官此宋制也近有為別駕
者自恥通判之名題郵舍云簽判某府事而不知
簽判之非通判也夏
蟲不可語冰信哉

一官走俗指囊粟以媚饑

文選走塵容抗俗狀東方朔傳朱儒長三尺餘奉一囊粟

錢二百四十臣朔長九尺餘亦奉一囊粟錢二百四十朱儒飽欲死臣朔饑欲死

千里懷賢望

嶺梅而傾渴

世說魏武帝與軍士失道大渴而無水遂令曰前有梅林饒子甘酸可以止渴士卒

聞之皆口中水出遂得及前源也將為半面之張本

春秋

昭公二十五年秋七月上辛大雩季辛又雩公羊傳言上辛者為下辛張本左傳注豫為後地曰張本隱十一

年王取鄆劉注為桓五年從王伐鄭張本荀崧傳左邱明張本繼末發明經意多奇偉餘見前請先三

被以修辭

被敷勿切說文除惡祭也徐曰被之言拂也周語被除其心注猶拂也

恭惟某

官天韻浚明風華膚敏不自多其闕閱

見上卷白教授條

必身

致於功名鳳覽德輝下之則宜巢閣

賈誼傳鳳凰翔於千仞兮覽德輝而

下之巢閣

麟為聖人出也而乃在郊

昌黎獲麟解麟為聖人出也聖人者

必知麟禮斗威儀君乘金而王其政平麒麟在郊野

自古多

才莫若湖南之賓客

昌黎送楊支使序有問湖南之賓客者愈曰知其客可以信其主者

宣州也知其主可以信其客者湖南也去年冬奉詔為邑於陽山然後得謁湖南之賓客於幕下於是知前之信之也

得公為重已空冀北之士夫

昌黎送溫處士赴河陽軍序東都固

士大夫之冀北也朝取一人焉拔其尤暮取一人焉拔其尤若是而稱曰大夫烏公一鎮河陽而東都處士之

廬無人焉豈不可也

無久紅蓮之依恐有青藜之照

俱見前

某偶逃

飲墨

通典北齊選舉多沿後魏之制天子常乘輿出生於朝堂中楹秀孝各以班草對字有脫誤者呼起

立席後書有濫劣者飲墨水一升文理孟浪者奪席脫容刀東坡詩麻衣如再着墨水真可飲注云唐嚴選舉之法棘園舉人至渴有飲墨水者開寶通禮北齊朝會儀諸郡守勞訖陳土宜字有謬誤及書跡濫劣者必令飲墨水

一升

遂得勾朱

羅隱寄剡縣主簿詩金庭養真地朱篆勾稽官

仕有時乎為

貧惟會計當而已矣學然後知不足願教誨式穀似之

禮記學然後知不足教然後知困知不足然後能自反也知困然後能自強也詩螟蛉有子蜾蠃負之教誨爾子式穀似之注螟蛉桑蟲也蜾蠃細腰蜂也負持也式用穀善也位在域中無非有常也所以為無常者桑蟲自有子而蠨蛸負而養之以成己子若有聖德者能訓誨爾之萬民用善道則似之矣此借用

通臨安趙簽判

崇實

天府元僚亦既入芙蓉之幕

南齊書蕭緬與王儉書曰盛府元寮實難其選庚景

行汎綠水依芙蓉何其麗也

冰臺末屬何幸託桃李之

場

韋應物詩冰壺幕下清劉向傳同姓末屬山谷詩江梅有佳實託根桃李場

謂已納交遂

忘執贄

荀子周公曰吾所執贄而見者十人還贄而見者三十人貌贄之士百餘人

敢圖銜

袖之禮

韓文文書銜袖

適重斂衽之慙

張良傳楚必斂衽而朝說文衽衣衿也或作衽

恭惟某官卓爾宗英濟之世美平氏之與韋氏僅聞閥

閱之傳

平當傳漢興唯韋平父子至宰相

周公之謂魯公宜襲勲勞之

舊

禮記成王以周公為有勲勞於天下注王功曰勲事功曰勞

俯試一同之治

左傳天子

之地一圻列國一同周禮小司徒井牧其田野注疏引司馬法曰十成為終終千井十終為同同方百里萬井疏云取象震驚百里所聞同故名百里為同迄騰三異之聲為同考工記匠人為溝洫方百里為同魯恭傳拜中牟令郡國螟傷稼夫牙緣界不入中牟河南尹袁安疑其不實使仁恕掾肥親往廉之恭隨行阡陌有雉過其傍傍有童兒親曰兒何不捕之兒言雉方將雛親瞿然而起曰蟲不犯境此一異也化及鳥獸此二異也童子有仁心此三異也還府具以白安故國蓋有世臣藉未取苴茅之賞

漢雜事天子太社以五色為壇封諸侯者取其土苴以白茅授之各以所封方之色以立社於其國故謂

之受茅土苴通作菹說文茅藉也禮曰封諸侯以土菹以白茅

他人不如同姓自應聯

棠棣之輝

詩豈無他人不如我同姓又棠棣之華鄂不韡韡凡今之人莫如兄弟

顧甘食

舍之勞來借神臯之潤

張衡西京賦實為地之奧區神臯

雲飛川泳是

為近咫尺之天

韓文志同而氣合魚川泳而鳥雲飛餘見前

海運風搏行即

擊三千之水

莊子是鳥也海運則將徙於南冥鵬之徙於南冥也水擊三千里搏扶搖而上者九

萬里

某濫塵吏底缺效恭先倒着白接籬所愧反躬之未

稱

山簡傳簡鎮山陽唯酒是耽多之習氏池土置酒輒醉名之曰高陽池時有童兒歌曰山公出何許往至

高陽池日夕倒載歸酩酊無所知時時能騎馬倒着白接籬白接籬中也詩彼其之子不稱其服

報之

青玉案更慚出吻之無奇

四愁詩美人遺我錦繡段何以報之青玉案韓文每營度

欲出口吻聲鳴益悲操筆欲書將下復止竟亦不能奇也

回費簽判

出

易地借材詰朝入幕

左傳詰朝相見注明早也謝靈運詩整駕辭金門命旅惟詰朝遷

于喬木可見主人之相知

昌黎送楊支使序羣與博之為人吾知之道不行於主人

與之處者非其類雖有享之以季氏之富不日留也愈未嘗至宣州而樂頌其主人之賢者以其取人信之也

陟彼高岡良勞君子之于役

詩陟彼高岡我馬玄黃又君子于役不知其期

恭惟某官典刑勝士

陳後山詩江西勝士與長吟

文獻故家子弟欲

其自佳不顯亦世

謝玄傳子弟亦何預人事而正欲使自佳詩凡周之士不顯亦世世之不

顯厥猷翼翼注凡周為臣之士公侯必復其始無競維

人左傳公侯子孫必復其始詩無競維人四方其訓暫

茲泛綠以依紅

見前

行矣紆青而拖紫

揚雄傳紆青拖紫朱丹其轂魏略紆

青拖紫以千萬為數晉書儒林傳序莫不紆青拖紫服冕乘軒沈隱侯集自茲以降懷青拖紫崇基巖巖長瀾

青拖紫名為蛤魚

某濫乘一障

韓文上希卿大夫之位下猶取一障而乘

之正窘百罹

詩我生之初尚無為我生之後逢此百罹說文罹心憂也又遭也且也爾雅毒也注

云憂思慘毒通作離屈原離騷言遭憂也又叶良何切詩逢此百罹尚寐無訛盧諶詩五臣奚與契闊百罹身

經險阻足蹈幽遐互見前

忻聞主畫之良將有蒙成之託

薛宣傳屬縣各有賢

君馮翊垂拱蒙成

集思廣益何幸承賢者之來同寅協恭所望

有忠焉之告

見前

回史簽判

文舒○徽本缺今補

一麾出守遠從戎於安南

安南古南交之地東漢至隋唐為交州唐調露初改安南

都護府

同官為僚幸留良於冀北

左傳同官為僚吾嘗同僚敢不盡心乎韓文伯

樂知馬遇其良輒取之羣無留良馬東都固士大夫之冀北也

有勤下問尤佩高情恭

惟某官業茂家傳美由世濟人人宗眉山之學惟其有

之

見前

字字出史籀之餘由來久矣

籀直又切後魏書周宣王太史史籀著大

傳十五篇與古文或同或異時人即謂之籀書漢藝文志史籀十五篇注周宣王太史作大篆十五篇建武時亡六篇矣漢元帝紀多材藝善史書應劭曰史籀所作大篆許后傳善史書後安帝紀好學史書和帝稱之注史書者周宣王太史籀所作之書也可以教童幼薛宣傳日至吏以令休所繇來久翼奉傳所繇來久不改其

本

茲屈糟邱之隱

六韜殷君為酒池迴船糟邱而牛飲者三千人南史陳暄嗜酒復兄子書

曰速營糟邱吾將老焉李詩壘麴使築糟邱臺

且兼冰幕之游

韋應物詩文苑臺中妙冰壺幕

清下

衆皆醉而我獨醒是亦為政

屈原漁父世人皆濁我獨清衆人皆醉我獨醒

人有酒而身無事定不廢書

韓詩何人有酒身無事誰家多竹門可款注後漢孔

融嘗曰坐上客常滿尊中酒不空吾無事矣

某一障是乘再鼓甚淡

韓詩有琴具徽

絃再鼓
聽愈淡

思元賓而不見良忻子弟之自佳

昌黎答李秀才書李觀元

賓示愈別吳中故人詩六章其首章則吾子也元賓既歿其文益可貴重思元賓而不見見元賓之所與者則

如元賓焉
餘見上條

待崔羣以相親尚幸朋友之責善

昌黎與崔羣書所以

如此云云者以為足下賢者宜在上位託于幕府則不為得其所是以及之乃相親重之道耳非所以待足下者也

回權僉判李司法

申子○宋沿唐制諸州置司法參軍掌議法斷刑品同司戶

被命帥連

禮記十國以為連連有帥

屈參郡書聞風已久幸分隣壁

之光

史記甘茂傳茂之亡秦奔齊逢蘇代代為齊使于秦甘茂曰臣聞貧人女與富人女會續貧人女曰

我無以買燭而子之燭光幸有餘可分我餘光無損子
明而得一斯便焉今臣困而君方使秦而當路矣願君
以餘光振之戰國策甘茂亡秦且之齊出關遇蘇子曰
江上處女有家貧而無燭者處女相與語欲去之無燭
者謂處女曰妾以無燭故常先至掃室布席何愛於餘
明之照四壁者幸以賜妾何妨於處女列女傳齊女徐
吾者東海上貧婦人其隣婦李吾之屬合燭夜績徐吾
燭不屬李吾曰徐吾燭數不屬請無與夜績徐吾曰一
室之中益一人燭不為益明去一人燭不為益闇何愛
東壁餘光西京雜記匡衡勤學而無燭隣舍有燭而不
逮衡乃穿壁引其光以書映光而讀之李詩願假東壁
輝餘光照貧女駱賓王啓分其斗水濟濡沫之枯鱗惠
以餘光照孀婦
易地此來良覺賓筵之重
詩賓之初筵韓
棲之寒女
詩賓筵盡孤趙

恭惟某官蟠根奕葉

杜詩仙李蟠根
大猗蘭奕葉光

騰茂蜚英

司馬相
如傳蜚

英聲騰茂實

古錦為囊非瓦棺之奇詭

新唐書文藝傳李賀字長吉七歲能辭章

每旦日出騎弱馬從小奚奴背古錦囊遇所得書投囊中及暮歸足成之母使婢探囊中見所書多即怒曰是兒當嘔出心乃已耳辭尚奇詭所得皆驚邁絕去翰墨畦逕當時無能效者杜牧李賀集序瓦棺篆鼎不足為其古也時花美女不足為其色也詳見前

飛霞有佩足金璫之光芒

昌黎調張籍詩

李杜文章在光焰萬丈長平生千萬篇金璫垂琳琅顧語地上友經營無太忙乞君飛霞佩與我高頡頏

為繡節之家

宋三朝志金節隋制也黑膝竿上施圓盤周綴紅綜拂八層黃繡龍袋籠之王公以

下皆有節制同金節韜以碧油

猶屈墨曹之椽

杜氏通典兩漢有決曹賊曹椽主刑法歷代皆

有或謂之賊曹法曹墨曹隋唐為參軍書佐唐掌律令定罪盜賊贓贖之事宋沿唐制諸州置司法參軍掌議

法斷刑

取青婉白諒必工進取之文

柳文模擬鼠竊取青婉白肥皮厚肉柔筋

脆骨詳見前

汎綠依紅何足留軒騰之步

曾南豐詩赤雲助軒騰

此州

斗絕

竇融傳河西斗絕在羌胡中五峯高峻故云蜀志蜀土斗絕一隅山谷詩莫嫌斗絕無來往

每

事冰寒茲乃得君子之僚

韓文留守無事多君子僚

必能圖仁人之

利

左傳仁人之言其利溥哉

某強顏乘障束手面牆

尚書不學牆面泣事惟煩

倒

庭相迎何幸一賢之入幕

魏志王粲傳獻帝西遷粲徙長安蔡邕見而奇之時邕才

學顯著貴重朝廷常車騎填巷賓客盈坐聞粲在門倒屣迎之庭或作躡謂履不躡跟韻府羣玉倒屣注下併引世說王右軍夫人謂二弟曰王家見二謝傾筐倒屣不知原本作倒度度舉綺切閣藏食物也與傾筐連言

意自可見二音不收之度字注而強附屣字何憤憤歟然宋葉廷珪海錄碎事亦作傾筐倒篋則非倒屣明矣

同舟共濟庶無百姓之填溝

孔叢子吳越之人同舟濟江中流遇風波其相救如

左右手者所患同也詳見第一卷

回權僉判李司法

申子

比沐袖賤已感再三之意茲承被籀又貽四六之文

會韻

被潔也徐曰被之為言拂也周禮被除其心注猶拂也

籀蓋指印文被籀猶云洗印也新唐書百官志上三日

洗印視其刳缺此言

良感勞謙

易勞謙君子有終吉注上承下接勞倦于謙

被籀猶言洗印也

亦幾迷復

易迷復凶注以迷求復故曰迷復此借用

恭惟某官臨印重客

司馬

相如傳臨邛多富人卓王孫僮客八百人程鄭亦數百人乃相謂曰今有貴客為具召之高帝紀善沛令辟仇從之客因家焉沛中豪傑成紀故家漢書李廣隴西成紀人也仲元吏聞令有重客皆往賀

在夷惠之間席珍審矣

法言或問子蜀人也請人曰有李仲元者人也其為人也奈何

曰不屈其意不累其身曰是夷惠之徒與曰不夷不惠可否之間也黃瓊傳不夷不惠可否之間蓋聖賢居身之所珍也蜀志秦宓傳王商為嚴君平李弘立祠宓與書曰足下為嚴李立祠可謂厚黨勤類者也觀嚴文章冠冒天下由夷逸操山嶽不移使揚子不歎固自昭明如李仲元不遭法言令名必淪其無虎豹之文故也葉少蘊避暑錄云李仲元與嚴君平鄭子真為一等人顏師古以三輔決錄君平名遵子真名樸獨仲元名不傳及讀蜀志始知名弘惜其行事不著爾禮記儒有席上之珍以待聘注席陳也珍善也鋪陳往古堯舜之善道

以待太白落羌渝之上袍繡謂何

李詩我眉山月半輪秋影入平羌江水流

夜發青溪向三峽思君不見下渝州李白傳白浮游四方嘗乘月與崔宗之自采石至金陵着宮錦袍坐舟中

旁若無人如聞飽曲禮之三千今復探直筆之數萬直筆謂春秋司

馬遷傳春秋文成數萬其指數千詳見第十四卷大廷奉天人之對固利春秋

董仲舒傳仲舒對曰陛下發德音下明詔求天命與性情皆非愚臣之所能及也臣謹案春秋之中視前世已

行之事以觀天人相與之際甚可畏也廣殿對日月之明今條禮樂夏竦詩殿

上衮衣明日月硯中旗影動龍蛇縱拾芥不難於取紫

夏侯勝傳經術苟明其泛蓮寧久於依紅南史庾杲之傳汎綠水依

取青紫如俯拾地芥耳

芙蓉詳見前

肯為某來徒得君重

汲黯傳吾徒得君重

某濫茲主畫正

爾蒙成

薛宣傳屬縣各有賢君馮翊垂拱蒙成

三沐三薰之初何事於三

語

韓文方將坐足下三浴而三熏之三語椽阮瞻事詳見前

同姓同業也尚有望于

同寅

韓文同姓而近也同業也詳見前

回郭僉判

仲洪

偏城假守凜虞末路之難

臧洪傳論偏城既危曹表方睦杜詩宇宙蜀城偏李燾詩

偏城越雋東戰國策詩云行百里者半於九十此言末路之難

貳郡得賢所託初筵之

重

詩賓之初筵注賓之初入門以至升筵

未遑注記

注即往字揚雄傳因江潭而注記兮又橫

江湖以南
汪互見前

先辱飛箋恭惟某官學富家傳美優世濟林

宗砥礪之節壯若山淵

蔡伯喈郭有道碑文先生諱泰字林宗砥節礪行直道正辭貞

固足以幹事隱括足以矯時於是樹碑表墓昭銘景行其辭曰於休先生明德通玄純懿淑靈受之自天崇壯

幽浚如山如淵

子儀金石之忠貫於日月

舊唐書郭子儀傳德宗詔曰公柱石四朝

藩翰萬里忠貞縣於日月寵遇冠於人臣贊曰猗歟汾陽功扶吳倉秉仁蹈義鐵心石腸新唐書郭子儀傳贊雖唐命方永亦由忠貫日

其在遥遥之胄

南史何昌寓傳為吏部尚

書有客姓閩求官昌寓問君是誰後答曰子諒餘挺挺

諒餘挺挺

之風

魏謩傳挺挺有祖風烈詳見前

四國于蕃寧止三令尹而無喜

詩四

國于藩注四國有難則往捍禦之為之藩屏

五年須假顧方半刺史而同流

尚書天惟五年須暇之子孫此借用晉書庾亮答郭豫書別駕舊與刺史別乘同宣王化於萬里之外其任居

刺史之半安可用非其人

惟時三榮

榮州曰三榮詳見前

強號一障蠱小有悔

无咎尚可爬梳

易幹父之蠱小有悔无咎注以剛幹事而无其應故有悔履得其位故終无

大咎爬蒲巴切搔也韓文進學解爬羅剔扶送鄭尚書序蜂屯蟻雜不可爬梳

井居其所而遷

竟難回幹

繫辭井居其所而遷正義云言井卦居得其所恒住不移而能遷其潤澤施惠於外也幹

烏括切廣韻轉也增韻旋也又古緩切音與管同運也轉也賈誼傳幹流而遷又幹棄周鼎食貨志幹鹽鐵又

幹山海之貨

求牧與芻而不得無麪造餅之滋難

陳後山詩巧手難為

無麪餅誰能
留渴待遠井

何幸別駕之來將賴同舟之助

見前

相勉以

忠義宜兩家子弟之通知

韓文張中丞傳後敘兩家子弟材智下不能通知二父志

以為巡死而遠就虜疑畏死而辭服於賊遠誠畏死何苦守尺寸之地食其所愛之肉以與賊抗而不降乎當其國守時外無虬蟻子之援所欲忠者國與主耳

衆望為神仙詎千載風流之

敢繼

郭太傅見河南尹李膺膺大奇之遂相友善於是名震京師後歸鄉里衣冠諸儒送至河上車數千

兩林宗唯與李膺同舟而濟衆賓望之以為神仙焉東坡詩典刑存故老樽俎繼風流

第恐飛黃

之服早

淮南鴻烈解昔者黃帝治天下鳳凰翔於庭麒麟游於郊青龍進駕飛黃服早注飛黃乘黃也

符瑞圖騰黃者神馬也王者與服有度則出其色黃一名乘黃亦曰飛黃或作古黃或曰翠黃一名紫黃其狀

如狐背上有兩角山白民之國日行萬里乘
之壽三千歲萬畢衍天下有道飛黃服皂誰能泛綠

以依紅某昔未借交今欣聯事瓊瑤匪報永以為好也

敬飭魚緘

竝見前

珠玉將至得無修容乎惟占騎氣

漢書卒氣

騎氣徒氣白土功氣黃車氣乍高乍
下往往而聚騎氣卑而布卒氣搏

回郭僉判

仲洪

函牘相先已佩再三之意袖篋為況更勤四六之文

況通

作脫魯語況使臣以大禮賜也武帝紀天地況施又拜
況於郊宋謝俛四六談麈云韓子蒼為舍人曾公衮以
啓賀之韓答云舊知四六之工彌損惠稠重重傳容切
起再三之歎則知此聯所由來矣音與蟲同

複也增訟慚襞積

襞積衣間蹠也通作積司馬相如傳

韻疊也賦美襞積以酷裂兮損訟卦名

恭惟某官西岷秀望

左思蜀都賦於西則右挾岷山湧瀆

發川南史王雅傳帝以恭等為當時秀望

東郭故家

東郭氏為齊公族桓公之後

宰松桂

之林良多美最

韓詩出宰山水縣讀書松桂林

汎芙蓉之幕似鬱壯圖

杜詩居然屈壯圖

佇自民庸式遄王覲某幸茲聯事甫此識賢

凋郡蕭然正有望忠馬之誨

韓文豈無凋郡庸以自效

佳賓戾止或

可容拙者之歸

回趙僉判

高

行吟憔悴忽玷竹符

屈原漁父行吟澤畔顏色憔悴

坐嘯從容將依蓮

幕

後漢書南陽太守岑公孝弘農成瑨但坐嘯

方圖淮記

揚雄傳因江潭而淮記兮

遽辱

鳴謙

易謙上六鳴謙注但有聲鳴之謙

恭惟某官學富家傳材優時措

成季之勲有後夙載英聲

左傳成季之勲宣孟之忠而無後為善者其懼矣成季趙

衰也有保護文公之勲宣孟趙盾也有扶翊晉國之忠

廣漢之政甚高宜躋臚仕

趙廣漢傳長老傳以為自漢興以來治京兆者莫能及

顧紆僉贊良鬱師言鴻漸

于磐聊復爾耳

易鴻漸于磐飲食衎衎吉正義云馬季長云山中石磐紆故稱磐也鴻水鳥山

石非所集但取以應漸高之義阮咸傳未能免俗聊復爾耳北史慕容紹宗自云有水厄自投於水冀以厭當

之房豹以為言紹宗曰鵬怒而翼其孰禦之莊子怒而飛其翼若

垂天之雲某出幕星終左傳一星終矣詳見前得州斗大見前於焉嘉客

定非圖利于大夫詩所謂伊人於焉嘉客注為不知所適之辭韓文使先生無圖利於大夫

而私便及爾同僚尚冀頗哀於老子詩我雖異事及爾同僚注言我雖與

汝異其所職之事要乃與汝同其官僚馬援傳頗哀老子使得遨遊

通潭州于節推晉○宋沿五代之制諸州置判官推官各一人謂之節推者蓋唐州

牧之官為節度觀察諸使而其屬官有推官判官書記支使之屬至宋而節度觀察特為貴官之虛

名初不預方岳之事而州牧之任自有閫帥漕憲等官各有掾屬若唐節度觀察之屬官反為列郡

之元僚蓋雖冒以節度推官觀察推官等名實郡
寮耳潭州即今長沙府詳別見詳啓意是任寧鄉

簿時

作

數淮右之衣冠高門以世

于定國傳定國父于公其閭門壞父老方共治之于公謂

曰少高大門閭令容駟馬高蓋車我治獄多陰德子孫必有興者至定國為丞相子永為御史大夫封侯傳世

云

謁湖南之賓客上幕其人

韓文去年冬奉詔為邑於陽山然後得謁湖南之賓

客於幕下

眇焉枳棘之棲仰止芙蓉之幕

幕字複上

不容禮後請

以書先恭惟某官服襲典刑飛騰聲實莽西北三邊之

警

李嶠詩莫驚開百鍊特擬定三邊

爰東南一尉之危

楊雄傳東南一尉西北一侯孟

康曰會稽東郡都尉也此借用誠死君上誠死封疆言之易耳賈誼傳故父兄

之臣誠死宗廟法度之臣誠死社稷輔翼之臣誠死君上守國扞敵之臣誠死城郭封疆故曰聖人有金城者

此物此志也今為妻子今為窮乏去者紛然能障狂瀾障韓文障百

川而東之迴可知勁草南史庾仲達為明帝府佐廢帝景和

到門者唯仲達朝謁不替明帝即位謂曰卿所謂疾風知勁草蕭瑀傳疾風知勁草版蕩識誠臣章交

甚盛召擢宜優猶出依綠水之光殆斜取青雲之勢劉禹

錫詩青雲直上無多天地亦大矣會當錄德而計功人

物方眇然願思任重而致遠見前某因貪蝗粟白樂天詩是時斗粟

錢三百蝗蟲之價與粟同

為養蠶官

見前

今兩府之高士不為乃甘為

此孫寶傳今兩府高士俗不為主簿子既為之詳見前

後五日之孺子可教幸卒

教之

張良傳孺子可教矣後五日平明與我期此

回吳節推

澄○代月湖

蓮綠水之風流於焉嘉客

詩所謂伊人於焉嘉客詳見前

瓜青門之瓠

落似是昔人

史記邵平故秦東陵侯秦滅後為布衣種瓜長安城東種瓜有五色甚美故世謂之

東陵瓜也又云青門瓜青門東陵也莊子瓠落無所容非不罅然大也吾為其無用而拮之

藻翰惠

然詩惠然肯來

故情厚甚恭惟某官浚明其質膚敏於材錐

之處囊中久於見穎羅而致幕下信矣拔尤聊秩初筵

並見

前 即騰夷路 韓詩出門各有道我道方未夷 某罔功於國歸老是邦

龐公入城或奉笑談之適

後漢書逸民傳龐公者南郡襄陽人也居峴山之南未嘗

入城府夫妻相敬如賓荆州刺史劉表數延請不 楊儀

在幕正觀聲實之流

韓文送楊儀之文使歸湖南序儀之智足以造謀材足以立事忠足

以勤上惠足以存下而又侈之以詩書六藝之學先聖賢之德音以成其文以附其質宜乎從事於是府而流聲實於天朝也

回李節推 欽

十年別德謂已逝紫而凌清

唐李肇翰林志時以居翰苑皆謂凌玉清邈紫霄豈

止於登瀛洲哉

一榻延賢今顧依紅而泛綠

徐穉傳穉字孺子豫章南昌人屢辟

公府不起時陳蕃為太守不接賓客唯穉來特設一榻去則縣之餘見前

有勤委贄良愧過

情恭惟某官學有家傳才宜時措仙李盤根猗蘭奕葉

夙高通德之門

杜詩仙李盤根大猗蘭奕葉光鄭玄傳國相孔融深敬于玄曰昔東海于公僅

有一節猶或戒鄉人侈其門閭矧乃鄭公之德而無駟壯之路可廣開門衢令容高車號為通德門

椒蘭

其臭芙蓉為裳宜待承明之詔

離騷經覽椒蘭其若茲兮又况揭車與江籬又

製芟荷以為衣兮集芙蓉以為裳繫辭其臭如蘭嚴助傳厭承明之廬張晏曰承明廬在石渠閣外直宿所止

曰廬東方朔傳
令待詔公車

顧勞主畫暫屈賓僚川泳雲飛此豈容

於煖席

韓文志同而氣合魚川
泳而鳥雲飛詳見前

幕開風動佇即拜於溫

綸

郝超傳風動
帳開詳見前

某再守竹符獲依梓里

詩維桑與梓
必恭敬止

同

姓也故人也惟是焉依

韓文同姓而近也同業也同道
也故人也左傳周之東遷晉鄭

焉依儀圖之愛助之尚期無隱

見前

通潭州趙察推

汝倭○察推所謂觀察推官也
詳見前詳啓意簿寧鄉時作

下邑椽曹之卑謬茲祭竈

孫寶傳署寶主簿寶
徙入舍祭竈請比僚

上府元

僚之重正爾秩筵

南史庾杲之傳盛府元僚實難其選
詩賓之初筵左右秩秩傳秩秩肅敬

也
妄欲託桃李之場

山谷詩托根桃李場

盍起敬笑容之幕

庾果之傳

汎綠水
依笑容

恭惟某官身端行治學廣聞多禮樂宗英其賢

城也遠矣

漢書敘傳河間賢明禮樂是脩為漢宗英新唐書李勣傳太宗嘗曰場帝不擇人守邊勞

中國築長城以備虜今我用勣守并突厥不敢南賢長城遠矣詩宗子維城左傳何城如之

詩書元

帥以禮羅而致之

左傳晉謀元帥趙衰曰卻縠可說禮樂而敦詩書韓文以禮為羅羅而致

之幕

湖南之客多賢姑紉蘭芷

韓文當今藩翰之賓客唯宣州為多賢有問湖

南之賓客者愈曰知其客可以信其主者宣州也知其主可以信其客者湖南也離騷經扈江離與辟芷兮紉

秋蘭以

天祿之書當校行薄蓬萊

漢書天祿石渠注三輔故事曰天祿石渠

並在未央殿北以藏秘書漢宮閣疏天祿麒麟蕭何造以藏秘書處賢才西都賦天祿石渠典籍之府西京賦天祿石渠校文之處東京賦內有天祿宣明揚雄傳校書天祿閣上王子年拾遺記劉向成帝末校書天祿閣隋經籍志哀帝令向子歆嗣父之業乃徙溫室中書於天祿閣上歆遂總羣篇撮其指要著七略大凡三萬三千九十卷後漢書注天祿獸也鄧州南陽縣北有宗資碑旁有兩石獸鐫其膊一曰天祿一曰辟邪閣蓋因獸立名華嶠後漢書學者以東某弄筆得官左思咏史詩觀為老氏藏室道家蓬萊山弱冠弄柔翰

注柔翰筆也妻敬代耕求祿輕舟主簿奈何凌萬頃之

茫杜陵寄唐興劉主簿弟詩分手開元末連年絕尺書江山且相見戎馬未安居劒外官人冷關中驛騎疎

輕舟下吳會主簿意何如東坡赤壁賦縱一輩之所如凌萬頃之茫然叢桂王孫或者哀

衆芳之穢

劉安招隱士桂樹叢生兮山之幽偃蹇連卷兮枝相繚王孫遊兮不歸春草生兮萋萋屈原

離騷經雖萎絕其亦何傷兮哀衆芳之蕪穢

回新武岡王判官

之經○官制詳通
潭州于節推條

駕丹桂之梯夙聞香譽

孟浩然詩桂枝如已折早逐鴈南飛李白詩欲折一枝桂還來

鴈沼前岑參詩洛陽才子能幾人明年桂枝是君得皇甫冉詩共許卻詵工射策恩榮請向一枝看周墀詩雖欣月桂居先折更羨春蘭最後榮姚鵠詩登龍舊美無斜徑折桂新榮盡直枝東坡詩蟾枝不獨同攀林宋葉少蘊避暑錄話云世以登科為折桂此為卻詵對策東堂自云桂林一枝也自唐以來用之溫庭筠詩云猶喜故人新折桂自憐羈客尚飄蓬其後以月中有桂故又謂之月桂而月中又言有蟾故又改桂為蟾以登科為

登蟾宮用卻說事固已可笑而展轉相訛復爾然文士亦或沿襲因之弗悟也唐黃滔御試詩已表隋珠各自攜更從瓊殿立丹梯杜詩着處覓丹梯又青雲不可梯依紅蓮之幕茲屈英游

乘

傳與英俊竝游

先辱朋箋

獸二為友月二為朋朋箋言二箋也詩朋酒斯饗毛傳兩尊曰朋

良

高僚誼恭惟某官負才膚碩蓄德齋云

齋紆倫切水深貌李漢韓文序

齋注澄深方云注音玄郭璞江賦云廣混因注是也或作注非是

早收名第於摘髭

韓詩

連年收科第若摘領下髭

盍徑要津而策足

選詩何不策高足立登要路津

顧由倉

庾東坡詩一官倉庾真堪老坐看松根落斷崖

欲試絃歌會外臺重黔巫之

邦

後漢書注謁者為外臺柳文武岡銘黔山之巘巫水之碛

以一賢任溫石之責

見前

使者持斧既已加桑梓之恭

武帝紀遣直指使者暴勝之等衣繡衣持斧分部逐

捕注謂建持之以為威詩維桑與梓必恭敬止注凡人父之所樹者維桑與梓見之必加恭敬之止况父身乎

賓之初筵必有入蘋蘩之薦

詩于以采蘋于以采蘩于沼于沚于以用之公侯之事又于以

采蘋南澗之濱

某一寒寡與獨冷多畸

見前

涉筆負丞已慙記壁

韓文藍田縣丞廳壁記丞涉筆占位署又余不負丞而丞負余

挈瓶假守更使捫參

左傳

雖有挈瓶之知守不假器參壁宿名猶幸勝士之肯來

羊祜傳賢達勝士陳後山詩江西勝

士與長吟詩惠然肯來

或望餘光而後去百聞不如見面未易立

談趙充國傳百聞不如一見揚雄傳或立談而封侯

同僚敢不盡心尚希愛助

左傳吾嘗同寮
敢不盡心乎

回榮州羅推官

聞琳琅之譽愧未盍簪

晉書文苑傳羅舍字君章桂陽來陽人也少有志尚嘗畫臥夢

一烏文彩異常飛入口中自此後藻思日新刺史庾亮以為部江夏從事太守謝尚與舍為方外之好乃稱曰羅君章可為湘中之琳琅劉禹錫送王師魯赴湖南幕詩素風傳竹帛高論聘琳琅琅琅易勿疑朋盍簪注盍合也簪疾也疏若能不疑於物以信待之則羣朋合聚而疾來也王荆公詩天涯無路合朋簪六一居士詩惜予不與朋
賓珉瑁之筵幸聞命駕
史記趙使於春中君欲誇盍簪
楚為璚瑁簪劒器悉飾以璚瑁杜牧送杜顓赴潤州幕詩還須整頓韋弦佩莫獨矜誇玳瑁簪劉禹錫送陸侍御歸淮南幕詩歸路芙蓉

幕離堂玳瑁筵王荊公詩難追
老圃莓苔徑空對珍盤玳瑁筵
鼎來儷語益切高情恭

惟某官子貢高門

晉書羅憲字令則襄陽人父蒙蜀廣漢太守憲年十三能屬文早知名師

事譙周周門人稱為子貢封西鄂侯諡曰烈文立傳立
師事譙周門人以立為顏回陳壽李虔為游夏羅憲為

子貢公遠仙裔

段成式酉陽雜俎玄宗學隱形於羅公遠
或衣帶或巾脚不能隱上詰之公遠曰陛

下未能脫屣天下而以道為戲若盡臣術必懷璽入人
家將困於魚服也帝怒慢罵之公遠遂走入殿柱中極
疏上失上愈怒令易柱破之復大言於石碣中乃易碣
觀之明瑩見公遠形在其中長寸餘因碎為十數段悉
有公遠形上懼謝焉忽不復見後中使於蜀道見之公
遠笑曰為我謝陛下鄭紫開天傳信記上怒命力士褻
以油幘置榨木下壓殺埋弃之不旬日有中使自蜀道
回逢公遠於路乘騾笑謂使者曰上之為戲一何虐耶

新唐書方伎傳太平廣記
皆載此事公遠作思遠

扶搖三萬里謂立致於要津

莊子水擊三千里搏扶搖而上
者九萬里杜詩立登要路津

才名四十年胡尚淹於

選穽暫此依紅而泛綠

並見前

亟其曳紫以紆朱

後漢書
宦者傳

序高冠長劍
紆朱懷金

某濫守麾符正資幕畫

選詩婉婉
幕中畫

戒行李

載書冊幸疾其驅

韓文送石處士序宵則沐浴
戒行李載書冊問道所由

廣忠益

集衆思無孤此意

蜀志諸葛武侯教與羣下曰夫參署
者集衆思廣忠益也若遠小嫌難相

違覆曠闕損矣違覆而得
中猶棄敝屣而獲珠玉也

回羅推官

萬里試郡叨分和義之麾

榮州為齊南安郡隋以其地屬資陽又置大牢縣唐置榮

州又改大牢為應靈州
改和義郡後為榮州

聯事為僚正藉友仁之益未遑

淮記先沐蜚箋恭惟某官世德蟬聯

蟬聯不絕貌揚雄傳有周氏之蟬媽

今應劭曰蟬媽連也吳都賦

器為駿發

詩駿發爾私注欲民大耕發其

蟬聯陵邱韓詩膚冑本蟬聯

私田此借用

明經而拾地芥早題千佛之名

見前舉瓢而酌天

漿合上三神之島

韓詩刺手拔鯨牙舉瓢酌天漿史記封禪書蓬萊方丈瀛洲此三神山者

其傳在渤海
中去人不遠

顧未吟於芍藥

謝朓直中書省詩紅藥當堦翻蒼苔依砌上紅藥謂

芍藥也

尚小泛於芙蓉暖席未幾溫綸即下某重捫井絡

濫領斗州

井斗宿名

同寅協恭和衷哉正須賢者罔利征商

自始矣能弗誨乎瞻晤非遙敷陳罔既

竝見前

回新本州蘭推官

尊祖

慕蘭相如夙服題橋之志

司馬相如傳名夫子相如既學慕蘭相如之為人也更名

相如華陽國志蜀城十里有昇僊橋送客亭司馬相如初入長安題其門曰不乘赤馬駟車不過汝下

從

李虞部暫為入幕之賓一介未先

一夫曰介左傳一介之使

雙鱗厚

甚

鱗介借對

恭惟某官美優世濟才應時須

劉琨答盧諶書才生於世世實

須才山谷詩持此應時須

智囊衮衮以生風

宋趙崇絢雞肋智囊秦樗里疾漢鼂錯東漢魯

匡三國桓範晉杜預高僧傳支謙月氏人游漢境博覽
經籍時人為之語曰支郎眼中黃形軀雖細是智囊王
充論衡劉歆漢朝智才刀恢恢而餘地見前初試神仙之

囊筆墨淵海詳見前

隱五采宣威杜詩吏隱逢梅福遊山憶謝公李詩一尉居修忽梅生有仙骨曹瞞傳太祖初入尉

解造五色棒懸門左右有犯禁者皆棒殺之繼為法令
張來送江尉詩堂堂名公後尚奮采棒威

之師片言平獄

薛宣傳吏道以法令為師可問而知便合紆朱而拖紫沈

侯集自茲以降懷青拖紫崇乃猶泛綠以依紅最爾三

基巖巖長瀾瀾瀾餘見前條

榮榮州有榮德榮鄰於九頂

九頂山名在今嘉定州隔江山有九峯曰鳳集棲鸞

靈寶就日丹霞祝融擁翠望雲霓說會昌以前峯各有
寺至宋惟存報恩一寺范石湖吳船錄云泊嘉州渡江

遊凌雲在城對岸山不甚高綿延有九山頭故又名九頂舊名青衣山青衣蠶叢氏之神也蘇子由初發嘉州詩巉巉九頂峯可愛不可住飛舟過山足佛脚見江潯舟人盡斂容競欲揖其拇俄頃已不見烏牛在中渚移舟近山陰峭壁上無路云有古郭生此地苦箋注區區辨蟲魚爾雅細分縷洗硯去殘墨遍水如黑霧至今江上魚頂有遺墨處覓物悲古人嗟此空自苦

事頗異於昔者公胡為乎來哉

李詩嗟爾遠道之人胡為乎來哉

廣忠益集衆思國無陋矣戒行李載

書冊予日望之

俱見前回榮州羅推官條

某乘障非才觸藩無計

易抵

羊觸藩詳見前

求救與芻而不得專俟罪歸襍被束擔而未行

或容晤語

陸納傳臨發止有被襍而已魏舒傳被襍而出新唐書蘇瓌傳瓌單身被襍自將餘見前

回武岡彭知錄

呂。宋沿唐制州有錄事參軍然不盡置也諸府為司隸諸州為錄

事乾興元年丁度請諸州始置錄事參軍慶厯二年河西河東陝西諸州權令京官知錄事參軍熙寧三年詔煩難去處錄事參軍竝差職官知縣及奏舉縣令人充政和三年尚書省言州建六曹參軍參軍之稱起於行軍之際恐不當襲欲改為司錄詔改為掾建炎初復舊名錄事掌州縣庶務糾諸曹稽違乾道中汪大猷申請依司理例不兼他職從之

共江西之水昔嘗附總屬之題名

莊子激西江之水中與會要紹興十一年

制凡總領官屬有幹當公事差遣

分黔東之風今乃際糾曹而聯事

黔其

淹切武岡春秋戰國皆以巫黔中地史記蘇秦傳一軍出武岡一軍出黔中則邯鄲動矣張儀傳秦要楚欲得

黔中地白起傳取楚定黔巫郡西夷傳略巴蜀黔中以
西柳文黔巫東鄙分風謂為別駕白帖錄事為糾司間
用之初為彭州參軍嘗攝錄事一日糾愆繆不
法數十事太守以為材韋蘇州詩糾郡南海湄
未遑注

記已沐飛牋恭惟某官學裕家傳才優世用裕三世登科

之記安侯金羸

唐重科目鄭顥知舉帝索科目記顥撰
十三卷自武德至大中仍乞今後放榜

錄及第人姓名記賦題進入有司按續編次此登科記
之始韋賢傳遺子黃金滿羸不如一經如淳曰羸竹器
受三四斗今陳
留俗有此器
續一門叔父之芳正須玉樹

晉書列女
傳一門叔

父則有阿大中郎謝玄傳譬如芝蘭
玉樹欲使其生於庭階耳竝詳見前

顧厄銓曹之限不

辭郡椽之卑竊聞文學之穰穰

穰如陽切衆也詩降福
穰穰一曰豐也又豐年

穰穰

足贊武岡之矯矯

王導傳贊武岡矯矯匡時緝政

操持綱紀自來喜

見於朱絲

少陵送韋諷閬州錄參詩韋生富春秋洞徹有清識操持紀綱地喜見朱絲直行往樹佳

政慰我深相憶

明習憲章詎得久淹於丹筆

馬周傳贊由一介草茅言天下事明

習憲章若素官於朝會稽典錄盛吉字君遠性多仁恩冬月罪囚當斷其妻執燭吉手丹筆夫妻相向垂泣

不容暖席即對溫綸某教曹非才

言為國錄

佐州何取

言倅武岡

督郵地忍儻未逐重聽之聾丞

黃霸傳長吏許丞老病聾督郵白彼逐之霸曰

許丞廉吏雖老尚能拜起送迎正頗重聽何傷白帖州主簿郡督郵並今錄事參軍丙吉傳西曹地忍之李奇曰地猶第也師古曰地亦但也語聲之急耳
錄事天通固甘作折威之司馬

新唐書杜景佺傳性嚴正為益州錄事參軍時隆州司馬房嗣業徙州司馬詔未下欲即視事先答責吏以示威景佺曰公持咫尺制真偽莫辨即欲攪亂一府敬業揚州之禍非此類耶叱左右罷去既乃除荊州司馬吏歌之曰錄事意與天通州司馬折威風由是寢知名

代回新嚴州郭知錄

伯長

對北臺之馬耳自昔通家

馬耳山在今諸城縣西南六十里形如馬耳東坡雪後書

北堂壁詩試掃北臺看馬耳未隨埋沒有雙尖又孤雲落日在馬耳照耀金碧開煙鬟超然臺記云南望馬耳常山出沒隱見若近若遠庶幾有隱君子乎孔融傳先君孔子與君先人李老君同德比義而相師友則融與君累世通家柳文王氏問南山之鳳鷄乃今補掾襄陽子與余通家代為文儒

葛孔明為臥龍龐士元為鳳雛司馬德操為水鏡皆龐德公語也

貽書勤甚喚夢淒然

山谷詩為公喚起黃州夢

恭惟某官詩禮磨礪

枚乘傳磨礪底厲師古曰礪亦磨也韓文

磨礪乎事業而奮發乎文章

典刑服襲飲冰食蘖不忘先訓之勤

莊子

朝受命而夕飲冰白樂天詩三年為刺史飲冰復食蘖

斂板折腰猶待糾曹之次

南史到溉傳武帝與溉戲賭奇石并禮記溉並輸焉帝謂朱弁曰卿謂到溉所輸可以送未斂板對曰臣既事君安敢失禮檀道鸞春秋桓玄嘗詣會稽王道子已醉對玄張眼曰桓賊長史謝重斂板正色曰公廢昏立明功高社稷風塵之論宜絕聖聽餘見前三語之機相契

阮瞻傳王戎問瞻曰聖人貴名教老

莊明自然其旨同異瞻曰將無同戎咨嗟良久即命辟之時人謂之三語掾詳別見

五章之剡何

難某星且拱辰日將入酉

白樂天詩黃雞催曉午時鳴白日催年酉時沒

伏波

牀下敢當盛意之勤渠

馬援傳援嘗有疾梁松來候之獨拜牀下援不答松去後諸子

問曰梁伯孫帝婿貴重朝廷公卿已下莫不憚之大人奈何獨不為禮援曰我乃松父友也雖貴何得失其序

乎
子陵臺邊或恐歸舟之邂逅

子陵釣臺在桐廬西南二十九里東西二臺各

高數百丈許潭詩潮去潮來洲渚春山花如綵草如茵嚴陵臺下桐江水解釣鱸魚有幾人

代回李知錄

短綆汲深聊備一人之數

荀子短綆不可以及深井之泉知不幾者不可與及聖人

之言史記平原君傳今少一人願君即以遂備負而行矣

長箋委重何啻三語之多

見上

受之赧然無可謝者恭惟某官持心近厚克敬惟

條

見

京兆浩穰小大之獄難察

張敞傳京兆典京師長安中浩穰於三輔為尤

劇師古曰浩大也穰盛也言人衆之多也禮記必察小大之比以成之注小大猶輕重已行故事曰比

軍俊逸輕重諸罰有權

司錄即隋唐錄事參軍杜詩俊逸鮑參軍胡致隆喜曹劉二從

事見過詩蕭蕭細雨鎖柴門喜見風流二使君俊逸萬春猶錄事清新子建尚參軍尚書輕重諸罰有權刑罰世輕世重注輕重

冒騰一鶚之章自笑匹雛之力譬之

推轂信當遵平陸之塗然而盤根豈宜後朽株之木

虞

傳盤根錯節杜詩仙李盤根大鄒陽傳枯木朽株

某儀圖莫助欲與同升惜露

螢無自煖之光莫分隣壁

李嘉祐螢火詩夜風吹不滅秋露洗還明李百藥咏螢火

詩不辭逢露濕祇為重宵行梁元帝詠螢火詩著人疑不熟集草訝無煙

願天馬有長驅之

足早入帝閑

回楊司理

蕃

林司法

木○燕翼詔謀錄今之司理參軍五代之馬部軍都虞候

判官也以牙校為之州鎮專殺而司獄事者輕視人命太祖開寶六年詔州府並置司寇參軍以新及第九經五經及選人資序相當者充之後改為司理參軍○司法參軍即漢唐法曹墨曹掾宋沿唐制置司法參軍掌議法斷刑

紹興三年權行減罷後復舊

蒙恩佐郡慚非典午之材聯事為僚將有同寅之契方

圖注記已沐飛箋恭惟某官業履直溫風猷明浚補三

語之椽暫屈通材

竝見前

培萬里之程盍躋要路

韓詩子萬里

程佇由鶚表徑造鵷班某倚席罔功題輿非據

竝見前

別

乘分月愧初無倡和之能

竝見前

同舟遇風幸不靳維持

之助

鄧析書同舟涉海中流遇風救患若一所憂同故也詳見前

過此以往

繫辭過此以往

未之或知也

未知所裁

代回江陰趙司法

崇价○江陰軍已見

桑榆晚晚又塵紫橐之班

淮南子曰西垂景在樹端謂之桑榆潘岳賦日晚晚而將

暮又老晚晚而將及注晚晚日落貌晉興服志八座尚書荷紫以生紫為袷囊綴之服外加於左肩昔周公負

成王制此服衣竹素勤渠良感墨曹之意東觀漢紀劉向典校書先

至今以為朝服書竹為易判定可繕寫者以上素慙無好語東坡詩山寺歸來聞好語又華路歸來聞好語李賀

詩沙路歸來聞好語莫報故人恭惟某官清出璇源顏延年詩玉水記方流璇

源載粹藏玉質頃者勾稽之試羅隱詩朱象勾稽官藹然廉直之

聲滿謂頡頏身結飛霞之佩韓詩乞君飛霞佩與我高頡頏不虞簸弄

胎寒明月之珠韓詩娑娑海水南簸弄明月珠山谷詩貝宮胎寒弄明月佇積平反

雋不疑傳有所平反如淳入儀華要勉為國計益振家

曰反音幡幡奏使從輕也

聲某壯不如人

左傳燭之武辭曰臣之壯也猶不如人今老矣無能為也已

老當佚

我

莊子勞我以生佚我以老

聊復爾耳更穿振鷺之行

阮咸傳未能免俗聊復爾

耳詩振鷺于飛于彼西雝

姑少遲之徑返屠羊之肆

莊子王延屠羊說以三旌之位

說不敢當願復返屠羊之肆詳見前

代回全州劉司法

全州已見

西崦餘齡冒誤恩而還綴

淮南子曰入崦嵫經于細柳入虞淵之地曙于蒙谷之浦

日西垂景在樹端謂之桑榆東坡集荷先帝之誤恩又計此誤恩必難安處綴株衛切音與惓同禮記行綴正義曰舞人義曰舞人東隣厚意飭儷語以分光

易東隣殺牛不如西隣之倫祭晉馮

素弗慷慨有大志不修小節成藻奇之曰吾遠求騏驎
不知近在東隣史記甘茂傳子之燭光幸有餘子可分
我餘光
詳見前情溢乎文愧浮于感恭惟某官簪裳曾望衣被

典刑爛斑綵服之華趨庭有得

列女傳老萊子孝養二親行年七十作嬰兒自

娛著五采編爛衣杜詩繡衣春
當霄漢立綵服日向庭幃趣

局促墨曹之試游刃不

難

局通作跼蹐局不伸也促通作趣局促蹶小貌灌夫傳局趣如轅下駒

諒積平反之功

見上

條即登華要之路某粉榆相託

郊祀志高祖禱豐粉榆社注粉榆鄉名詳

見前

蒲柳既凋

晉書顧悅之傳松柏之姿經霜猶茂蒲柳常質望秋先零

迷觚稜闕角

之雲煙誤為出計

班固傳設壁門之鳳闕上栝稜而棲金雀又紅塵四合煙雲相連說文栝

稜殿堂上最高之處懷江上山間之風月已卜歸期東波赤壁賦江上之清風

與山間之明月

代回江陰趙司法崇价

冬官率屬誤拜上恩春藻摘辭猥勤下問曹植文章序質素也如秋

蓬蒿藻也恭惟某官褫身廉靖法言或問士何如斯可

也百順臨政疏明行矣瓜期又作墨曹之試豈能茅茹以褫身注安也一曰福

長為白璧之投易泰初九拔茅茹以其彙征吉否初六拔茅茹以其彙貞吉亨注茅之為物拔

其根而相牽引彙類也鄒陽願少須之自此升矣楊震傳夜光之璧以間投人于道

生自此

某未能免俗

阮咸傳未能免俗聊復爾耳

豈不懷歸

詩豈不懷歸王

事靡

稍戀君軒小曳鄭崇之履

鮑昭詩弃席思君幄疲馬戀君軒

行秣

余馬言歸疏廣之廬

詩之子于歸言秣其馬

回新任李司法

公澆

題千佛之名夙欽雋望

唐張倬東之之孫數舉進士不第捧登科頂上戴之曰此千佛

名補三語之椽茲屈英游

見前

望履不先

莊子願望履幕下注言視不敢

望跖面望履結而還也

鳴謙何厚

履謙卦名

恭惟某官掞材肅括

法言其為

外也肅括注外威儀也肅敬也括法也

蓄學碩膚

詩公孫碩膚注碩大膚美也

五千言

之修身盤根有種

史記老子姓李氏名耳周守藏室之吏也著書上下篇言道德之意五千

餘言杜詩仙

三萬軸之貫腹奕葉彌芳

韓詩鄴侯家多書挿架三萬軸

李盤根大

為人強記覽過眼不再讀偉哉羣聖文磊落載其腹鄴侯謂李泌子繁也杜詩猗蘭奕葉光

早擷領

於廣廷

韓詩連年收科第若摘領底髭

甘擡頭於矮屋

開元天寶遺事張彖登科為華

陰簿為守令所抑歎曰大丈夫有凌雲蓋世之志而拘于下位若立身矮屋之下使人擡頭不得乃弃官而去

盍騰華貫又領決曹

杜氏通典兩漢有決曹賊曹掾主刑法歷代皆有或謂之賊曹法曹

墨曹後漢書周燕為郡決曹掾太守欲枉殺囚燕數諫不聽囚家詣闕稱冤燕自承其罪又王昌為郡決曹史又郭弘為潁川郡決曹掾治獄至三

昔狄梁公之於并

門新唐書狄仁傑字懷英并州太原人舉明經調汴州參軍為吏誣訴黜陟使閻立本召訊異其才謝曰仲

尼稱觀過知仁君可謂滄海遺珠矣授并州法曹參軍洎韓昌黎之在荆渚新唐書韓

愈傳遷監察御史上疏極論宮市貶陽山令改江陵法曹參軍昌黎集赴江陵途中寄贈三學士詩棲棲法曹

椽何處事卑陬荆山渚宮皆在江陵皆居此職能大其

官柳文表高河南人給事中貞直景行行之詩高山仰

止鶴林玉露云景明也謂所行之光明也世俗有景仰

景慕之語失其義矣野客叢書云此誤自漢已然後漢

書劉顗傳云今顗景仰前修注執事事也老泉上田樞

景慕也則知此謬其來久矣

也執事責也某負丞將滿聯事亦榮惟內惟貨惟來知

於洵何有哉

片言之可折

尚書五過之疵惟官惟反惟內惟貨惟來其罪惟均注五過之所病或嘗同官位或

詐反獄辭或內親用事或行貨枉法或舊相往來

同姓同業同道或一見而後

行

韓文同姓而近也同業也同道也詳見前

代回唐司理

惟良折獄何擇非人

尚書何擇非人何敬非刑又非佞折獄惟良折獄

恤功于

民不聞亦式

尚書乃命三后恤功于民注恤憂也憂欲與民施功詩不聞亦式不諫亦入注不聞

人之道說亦自合于法性與天合也

鼎來良椽

漢書匡鼎來注鼎方也椽俞絹切官屬

式慰

疲毗恭惟某官有偉儒宗

師丹傳丹經為世儒宗德為國黃者

蔚為壽俊

敘傳蔚為辭宗任昉王文憲集序蔚為帝師
尚書罔或者壽俊在厥服注者宿壽考俊德
稟江陽之

秀清德可知觀雪嶺之奇雄材斯展
杜詩雪嶺不煩三

語行剡五章
見前某歸夢飛騰宦情蕭颯
王衍傳少無宦情隨牒推移遂

至于此南史王微傳微素無宦情梁書何胤傳吾年已
五十七月食四斗米不盡何容復有宦情颯悲合切說

文朔風也
又風聲亦已買江西之舫行即解維
維繫也杜詩方期解纜初又解

纜即長吁纜維舟絙
也解維猶云解纜
或可識劍南之英當圖望履
劍州南唐

置宋以利路亦有
劍州加為南劍

回羅司理
振

十年出幕濫叨一障之乘

杜詩十年出幕府張湯傳居一障間又迺遣山乘障注障

謂塞要險之處乘登也登而守之韓文上希卿大夫之位下猶取一障而乘之

同官為僚賴有

三語之椽

左傳同官為僚吾嘗同僚敢不盡心乎

方規請益先辱鳴謙

益謙

卦名

伏惟某官學有家傳材優世用撥煩剗劇共知從事

之賢勞

增韻煩不簡也左傳正其違而治其煩剗徒官切說文截也劇音極說文尤甚也一曰艱也尹

賞傳賞有治劇之才遷榮陽令袁安傳三輔舉安能理劇拜楚郡太守南史臧質傳為人敏贍有風力長于撥劇隋書蘇威為太子少保梁毗為御史劾威兼領五職安繁戀劇詩我從事獨賢傳賢勞也從事于役

登

明選公將在參軍之俊逸

韓文登明選公雜進巧拙杜詩俊逸鮑參軍

騫騰

近只翹企俟之

晉書涼武昭王傳延首雲極翹企某又

入坤垠

柳文劍門銘并絡坤垠時惟外區界山為門環于蜀都

叨分斗壘同舟共

濟諒無有於遐心

詩毋金玉爾音而有遐心餘見前回楊司理林司法條

縮袖旁

觀亦恐孤於大手

韓文巧匠旁觀縮衣袖間

厥惟期徯

徯戶禮切說文待也尚書

徯予后增韻望也

莫既編摩

說文摩研也

通潭州曾司戶

應甫○潭州已見宋沿唐制諸州置司戶參軍掌戶籍賦稅倉庫交

納元祐令中州從八品下州從九品乾道六年汪大猷乞令司戶專差主倉庫詳啓意蓋為寧鄉簿

時曾權司戶第二卷有上衛參帥辭權司戶啓

操觚學步敢論臭味之同

觚通作籒竹簡陸機文賦或操觚而率爾注觚之方者古

人用之以書猶今之簡班固傳有學步于邯鄲者未得髣髴失其故步庾肩吾詩欲仰天庭揆終知學步艱餘

詳見前

舍曼代庖強附交承之契

鑊謨官切通作曼說文鐵朽也徐曰所以泥也

又莫半切鑊刀工人器韓文巧者王承福傳吾不敢一日捨鑊以嬉莊子庖人雖不治庖尸祝不越俎而代之

揆材名而貌甚接步武以幸然恭惟某官曾出魯洙

史記

曾參南武城人注武城屬魯在兗州說文洙水出泰山蓋臨樂山北入泗一云入沔

秀鍾閩嶺

前見

鏗爾舍瑟學傳先聖之不傳向來辦香文到古人之未

到陳後山詩向來一辦香敬為曾南豐事業此其土苴

苴都賈切土苴糟魄也又泥不熟也

莊子土苴以治天下一曰不真物也

科名真是遺餘

韓文

又側下切和糞草也增韻查滓也

豈不登名於一科

居然三語之除

見本卷郭淹此八

分曾不補其遺餘

知錄條

年之久爭先捷徑君不行兮夷猶

陳了翁詩爭先徑路機關惡近後語言滋

味長離騷經夫惟捷徑以窘步餘見前

猶抱古心羞難得而覩縷

韓詩古貌又古

心又古心雖自鞭餘見前

寧有圖書之彥

晉天文志東壁二星主文章天下圖書之秘府也

可留版籍之司

分紀戶曹參軍掌戶口籍帳婚姻田宅雜徭道路之事

深霧雨而

澤之

劉向列女傳陶答子化陶三年名譽不興家富三倍其妻諫曰妾聞南山有玄豹霧雨七日不下食

者何也欲以澤其衣毛而成其文章詳見前

望雲霄而近只某徂徕有志

徂子

魚切說文攬屬

鹿鹿無奇

蕭曹傳贊錄錄未有奇節師古曰錄錄猶鹿言在凡庶之中也

栖

枳棘之叢中甚安斯寢

史記齊世家客寢甚安殆非就國者也餘見前

拳芙蓉

於木末敢集其裳

屈原九歌采薜荔於水中搴芙蓉兮木末離騷經製芰荷以為衣兮集芙蓉

蓉以裳重違大府約束之嚴

韓文躬詣大府受約束於下執事此謂辭權司戶不允

姑俟前驅弩矢之至

司馬相如傳縣令負弩矢先驅

鳳凰尚遙於千仞

賈誼傳鳳凰翔于千仞兮

鯉魚盡貢於尺書糠粃在前令公怒之未

免

孫綽傳歎之颶之糠粃在前却超傳髯參軍短主簿能令公喜能令公怒

珠玉將至覺我

穢以何疑

世說王武子是衛玠之舅儁爽有風姿見玠輒嘆曰珠玉在側覺我形穢

代回邵武曾司戶

復○邵武軍本漢治縣之地吳於此立昭武鎮屬建安郡晉平

吳更曰邵武縣至隋郡縣俱廢尋復立邵武縣屬撫州唐屬建州宋陞為邵武軍

老子婆婆濫紆蒼佩

陶侃傳老子婆婆正坐諸君輩禮記大夫佩水蒼王而純組綬詳見

前

參軍俊逸遠寄素書

見前羅司理條

恭惟某官植德潤身揆

才資世用計然之半策已足豪雄

史記貨殖傳昔者越王句踐困于會稽之

上乃用范蠡計然范蠡既雪會稽之恥喟然嘆曰計然之策七越用其五而得意既已施於國吾欲用之家注計然者葵邱漢上人姓辛氏字文子其先

晉國亡公子也嘗南游於楚范蠡師事之

試琰之一

官會觀霹靂

唐書裴琰之絳州聞喜人為同州司戶參軍時年少美容儀刺史李崇義初甚輕之

先是州有積年舊案數百道崇義促琰之使斷之琰之命書吏數人連紙進筆須臾剖斷竝畢文翰俱美且盡子奪之理崇義大驚謝曰公何忍藏鋒以有憐西崦之成鄙夫之過由是大知名號為霹靂手

景

崦衣廉切山海經鳥鼠同穴西南曰崦嵫下有虞泉日所入互見前猶庀北斗之司

庀普

弭切治也具也左傳官庀其司李固傳陛下有尚書猶天之北斗顏魯公集尚書北斗尊某曳履罔

功投簪孔武吾車吾馬漸為膏秣之謀

詩載脂載牽還車言邁又言秣

其馬說文秣食馬穀也以粟秣養其馬韓文膏吾車兮秣吾馬從子于盤兮終吾生以徜徉某水某

邱或遂釣游之願

見前

回段司戶

干木之廬必式尚阻面承

史記文侯受子夏經藝客段干木過其間未嘗不軾也皇

甫謚高士傳木晉人也守道不仕魏文侯以客禮待之出過其廬而軾其僕曰君何軾曰段干木賢者也隱處窮巷聲馳千里吾安得勿軾干木先乎德寡人先乎勢干木富乎義寡人富乎財勢不若德貴財不若義高

子松之歲當更反觀言贈

漢書段會宗字子松為西域都護騎都尉西域敬其威信

三歲更盡還徙為鴈門太守坐法免西域諸國上書願得會宗復為都尉谷永閔其老復遠出子書戒曰若子之材可以優游都城而取卿相何必勒功崑山之仄朋友以言贈行敢不畧意願吾子因循舊貫毋求奇功更盡亟還如淳曰邊吏

三歲一更更工衡反

撫謙寵甚內訟悚然

謙訟卦名 伏惟某

官毓秀岷峨炳靈江漢

見前

秀實仁勇之節風烈固存

新唐

書段秀實傳贊柳宗元稱世言段太尉以為武人一時奮不慮死以取名非也太尉為人姁姁視之儒者也遇不可必違其志非偶然者非孔子所謂仁者必有勇乎

文昌翰墨之聲雲仍是似

新唐書段文昌字墨卿憲宗朝為翰林學士穆宗即位拜中書侍郎同中書門下平章事

草凌雲而

入奏

司馬相如傳相如既奏大人賦天子芥拾地以決

科

夏侯勝傳其取青紫如俛拾地芥耳法言射策決科

小試椽曹未展霹靂之手

見上

固為檄屈忽纏悽愴之心

後漢毛義廬江人家貧以孝行稱南陽張奉往

候之坐定而府檄適至以義為安陽令義捧檄而入喜動顏色奉心薄之及母亡遂不仕奉曰賢者固不可測往日之喜為親屈也禮記霜露既降君子履之必有悽愴之心

素冠已畢於三年

詩庶見素

冠

丹檢會膺於一札

後漢循吏傳一札十行

制禮弗敢過也俯就

朝祥

禮記先王制禮而弗敢過也又魯人有朝祥而暮歌者

任官然後爵之亟觀

暮名

禮記凡官民材必先論之論辨然後使之任事然後爵之主父偃傳朝秦暮召入見

某避堂

不敏

曹參傳於是避正堂舍蓋公焉詳見前

下榻已稽

徐穉傳陳蕃為太守在郡不接賓客

唯穉來特設一榻去則縣之王勃滕王閣詩序徐孺下陳蕃之榻

將軍乃肯幸臨既不

以服而為解

灌夫傳將軍迺肯幸臨況魏其侯夫安敢以服為解師古曰解謂辭之也若今言分

疏進士與吾同業是固將賀其善鳴

韓文送何堅序詳見前

回縣州家司戶

墩翁

家將仕

坤翁○縣州已見

鸞停鵠峙舊聞英物之不凡

韓文少傳翠竹碧梧鸞鵠停峙能守其業者也晉書

桓溫字元子生未暮而太原溫嶠見之曰此兒有奇骨可試使啼及聞其聲曰真英物也先賢傳薛勤造陳仲舉其父出迎勤曰足下有不凡子吾來候之不從卿也鴈後鴻前今見故人之有

子

見前

未遑修贄先辱贈言恭惟某官世載其英學造乎

道取青拾芥誇映秀士之羣

韓詩舉舉江南子名以能詩聞一來取高第官佐東

宮軍迎婦丞相府誇映秀士羣

泛綠依蓮卓犖椽曹之表恭惟某官學

有家傳美由世濟俯拾地芥不難一律之塤篪

詩伯氏吹塤仲

氏吹篪山谷詩豈無他人游不如我塤篪

小試天葩便入三銓之衡尺

韓詩東野

動驚俗天葩吐奇芬六典尚書為尚書銓侍郎二人分
為中銓東銓權文公集吏部員外郎裁百辟之章疏助
九流之刀尺晏公類
要秉刀尺於仙臺
行遄王覲
左傳王
覲為可
亟踐世官某自

歎孤蓬

山谷詩九鼎安磐
石一身轉孤蓬

復分半竹事其賢者友其仁

者幸而在邦域之中愛勿勞乎忠勿誨乎特有望文辭
之表

通潭州段支使

宋會要乾德三年詔歷兩任有文
學者許兩使留後奏充掌書記太

平興國六年詔諸節度州依舊置觀察支使一員
凡書記支使不得竝置有出身曰書記無出身曰
支使位在判官之下推官之上○詳啓
意蓋任寧鄉簿時作通篇組織韓文

齒下士而望光明漫為委吏

韓文曾不得列名薦書齒下士于朝以仰望天子之

光明諸大府而受約束將見元僚

韓文躬詣大府受約束於下執事南史庾杲之

傳盛府元僚實難其選

或有三年之托根

山谷詩江梅有佳實托根桃李場

可無

一紙以張本

劉弘傳得劉公一紙書賢于十部從事杜預左傳注為桓五年從王伐鄭張本晉書

荀崧傳左邱明張本繼末發明經意多奇偉詳見前

恭惟某官恢然材諳

諳寫與切說文

知也周禮注有才智之稱也

藉甚典刑

見前

故笏猶存可落姦雄之膽

魏謩傳帝問卿家書詔頗有存者乎謩對惟故笏在段秀實傳朱泚召秀實計事源休等在坐秀實戎服與休並語至僭位勃然起執休腕奪其象笏奮而前唾泚面大罵曰狂賊可磔萬段我豈從汝反耶遂擊之泚舉臂

捍笏中額蟻
面匍匐走

新硎既發孰嬰青縈之芒茲依綠水之華

暫贊碧幢之畫

竝見前

湖山自得皆春生秋殺之仁

韓文滕王

閣記詳見前

賓主相驩有川泳雲飛之樂

韓文節度堂書記廳石記詳見前

得文武於幕下已空冀北之士夫

韓文

文送溫處士赴河陽軍序詳見前

流

聲實於朝端是必湖南之支使

韓文送楊支使序詳見前

某一科不

補三釜是謀

見前

使我有二頃田寧爭雞鶩

史記蘇秦傳使我有雒陽

負郭田二頃吾豈能佩六國相印乎屈原卜居寧與黃鵠比翼乎將與雞鶩爭食乎

屈公為數旬

客幸陰龜魚

新唐書韋思謙傳屈公為數旬之客以望此府韓詩瓦影陰龜魚竝詳見前

武官

代月湖回林御帶

嶠○宋會要國初以來嘗選三班以上武幹親信者佩橐鞬御

劍或以內臣為之初是職止名御帶咸平元年改為御帶器械景祐三年詔自今無得過六人慶歷元年詔遇闕員以厯邊任有功者補之詳啓意其人蓋有足疾而今愈者

十年去國恍然孤鶴之歸

列仙傳蘇耽去後忽有白鶴十數隻夜集郡東門樓上一

隻口畫作書字言曰城郭是人民非三百里予當復歸咸謂是耽續搜神記遼東城門有華表柱忽有一鶴徘徊空中言曰有鳥有鳥丁令威去家千載今來歸詳見前

千里故人厚甚雙魚之

遺

遺以醉切

所慙善頌未免過情恭惟某官鈴略通材

鈴略皆兵

法兵鈴以閉房神府以備非常後漢書鈴決之符注兵法有玉鈴篇李靖有兵鈴新書一卷隋藝文志有陰符鈴錄一卷宋有景德虎鈴經隋藝文志有黃石公三略三卷唐志同璇魁名第春秋運斗

一天樞第二璇第三璣

第四權第一至四為魁朱華庀職早通二閣之班畫戟

凝香每作三刀之夢

本參詩刀州先入夢李端詩夜夢見刀州李遠詩何處夢刀州雍陶

詩今宵難作刀州夢詳見前

顧因微恙力請真祠尊足者存夔何憐

於蹠蹠

莊子今吾來也猶有尊足者存郭象注則一足未足以虧其德明夫形骸者逆旅也又夔憐蛇

蛇憐蛇夔謂蛇曰吾以一足跼蹠而行注夔一足獸也帝王世紀黃帝在位諸侯于東海流波山得奇獸其狀如牛蒼色無角一足龍走出入水即風雨日光如日月其音如雷名曰夔黃帝殺之取皮以冒鼓聲聞五百里

蹠也甚切說文蹠蹠行無常貌或作踳蹠教切說文蹠也徐曰蹠亦常踳意蹠蹠不常貌又陟教切猿跳也

又救角切

集韻跛也 奉身而退龍豈困於騰驤

左傳臣之祿君實有之義則進否則

奉身而退楚國先賢傳神龍朝發崑崙之墟既兩踵之暮宿於孟諸超騰雲漢之表宛轉四瀆之裏

生輝

山谷詩我肱三折得此

宜單車而促覲

信陵君傳今以單車

代之何哉文選李陵答蘇武書以單車之使詳見前

君王神武雖已謝單于而閉

玉關

繫辭古之聰明睿知神武而不殺者刑法志高帝躬神武之材長孫無忌傳陛下神武聖文卓冠千

古後漢書延光二年北虜連與車師入寇河西議者以閉玉門陽關以絕其患元初六年北虜與車師後部共

攻沒索班公卿多以為宜閉玉門關東坡詩終閉玉關辭馬武

男子功名正當殺賊奴

欽定四庫全書

四六標準

四十

以取金印

杜詩男兒功名遂亦在老大時周顓傳

某無

能為役

左傳於先大夫無能為役言不足為其役使

非所納交天子欲伐先

零未覺營平之老

趙充國傳定冊尊立宣帝封營平侯羌先零反時充國年七十餘上老之

使御史大夫丙吉問誰可將者充國對曰無踰老臣者矣

丞相必舉龔遂佇觀渤海

之安

見前

謝戴將使

本

邂逅適願已幸識荆

見前

倥傯裝懷未遑訪戴

北山移文訴牒倥傯

裝其懷王徽之傳嘗居山陰夜雪初霽月色明朗四望皓然獨酌酒詠左思招隱詩忽憶戴逵逵時在剡便夜

乘小船詣
之互見前
既感輕身先匹夫之意復有一紙賢十部之

榮

見前通段
支使條

恭惟某官天分軼羣

晉書列女傳王凝之
妻謝氏字道韞嘗譏

弟玄學植不進曰為塵
務經心為天分有限耶人門濟美翼扶九萬里決應海

運於南溟

並見前

腹笥五十家暫隱天樞之北落

邊韶傳
腹便便

五經笥藝文志凡兵書五十三家七百九十篇圖四十
三卷春秋運斗樞北斗第一天樞史記天官樞斗戴匡
六星曰文昌宮一曰上將鉞旁有一大星為北落北落
若微亡軍星動角益稀及五星犯北落正義曰北落師
門一星在羽林西南天軍之門也長安城有北落門以
象此也主非常以候兵占明則軍安微弱則兵起金火
守有兵為兵犯塞土水則吉晉天文志落者天之藩落
也師門軍門也主非常以備兵張說詩將星移北落神

雨避東京李白司馬將軍歌北落

勇早聞於六館

韓文何蕃

傳已見

筆獨掃於千軍

杜詩筆陣獨掃千人軍

會當定一霸於螯弧

左傳先軫曰報施救患取威定霸於是乎在矣又一戰而霸韓詩雖免十上勞何能一戰霸左傳穎考叔取鄭

伯之旗螯弧以先登登音侔弧音胡鄭伯旗名

何難連八科之麟角

見前

衮明日

月更看黃榜之新

撫言進士榜粘黃紙四張以淡墨

履

上星辰始是青瑣之舊

見前

某舊交羣從

謝道韞傳羣從兄弟則有風胡

羯末白樂天詩自知羣從為儒少

今識清標聞元方季方之齊名亦既

觀止

詩亦既見止亦既觀止

從延君少君而受禮更幸進之

儒林傳載

德延君戴聖次君皆受禮於后倉德號大戴為信都太
傅聖號小戴以博士論石渠於是禮有大戴小戴之學

回成副將

鑑○詳啓意
任榮州時作

懷章試郡叨分榮邸之麾

宋光宗自榮州刺史
進封榮王故曰榮邸

訓旅將

屯知有和門之副

周禮以旌為左右和之門注軍門曰
和今謂之壘門立兩旌為之敘和出

用次第出和門也疏左傳云師克在和
不在衆田獵象戰伐故其門曰和門

遠勤一介見界

雙鱗開緘粲然

盧仝詩開緘
宛見諫議面

佩意厚甚恭惟某官共武

之服

詩有嚴有翼共武之服
共武之服以定王國

克壯其猷

詩方叔元老
克壯其猷

稟

山西六郡之良性資鷲勇

趙充國辛慶忌傳贊秦漢已
來山東出相山西出將秦時

將軍白起郿人王翦頻陽人漢興郁郅王園甘延壽義渠公孫賀傳介子成紀李廣李蔡杜陵蘇建蘇武上邽上官桀趙充國襄武廉褒狄道辛武賢慶忌皆以勇武顯聞漢書地理志漢興六郡良家子選給羽林期門以材力為官名將多出焉匈奴傳贊文帝從六郡良家材力之士馳射上林六郡謂隴西天水安定北地二郡西河趙充國傳以六郡良家子善騎射補羽林為人沉勇有大略驚音至說文擊殺鳥也廣雅驚執也取其能執服衆鳥凡鳥之勇

應婁北一星之象世胄蟬聯

晉天文志天將

獸之猛皆曰鷲
軍十二星在婁北主武兵中央大星天之大將也外小星吏士也大將星搖兵起大將出小星不具兵起唐丹元子步天歌婁上十二將

茲煩寡二之材

吾邱壽王傳天下少雙海

軍候韓詩脩胄本蟬聯

內寡
二 來貳第三之指為王爪士足增劔閣之天高

詩祈父予

王之爪士傳士事也蜀都賦緣以劍閣李詩劍閣呼巖而崔嵬歸衛羽林寧侯王關之

人老

漢天文志虛危南有衆星曰羽林天軍軍西為壘晉志羽林四十五星在營室南宣帝紀羽林孤兒

應劭曰天有羽林大將軍之星林喻若林木之盛羽羽翻驚擊之意故以名官漢儀注羽林從官七百人師古曰言其如羽之疾如林之多百官表羽林屬郎中令掌從送次期門續百官志羽林中郎將主羽林郎掌宿衛侍從常選六郡良家子補本武帝以便馬從獵還宿殿陛巖下室中故號巖郎東軒筆錄蔡挺自寶元已後歷邊任至于熙寧初猶帥平涼會邊無事因作樂歌以教邊人有誰念玉關人老之句自此盛傳都下未幾召為樞密副使墨客揮犀云蔡子正久在邊任晚年以龍圖閣直學士再守平涼作喜遷鶯一闋以自廣曰霜天清曉望紫塞古木寒雲衰草溪馬嘶風邊鴻翔月隴上鐵衣寒早欲歌倚曲悲壯盡道君恩須報塞垣東盡頭路

韃錦領山西年少談笑刃斗靜烽火一把長報平安耗
聖主憂邊威懷遐方驕縱且寬天討歲華向晚愁思誰
念玉關人老太平也且懽娛須某濫乘一障見前回羅
把金樽頻倒此曲成大傳都下司理條

將幸同僚共惟帝臣正爾賴熊羆之士

尚書萬邦黎獻共惟帝臣又則

亦有熊羆之士不二心之臣

能以衆整尚願聞龍豹之韜

左傳藥鍼曰日臣之

使於楚也子重問晉國之勇臣對曰好以衆整言好占以整齊師旅為勇太公六韜分文武龍虎豹犬六目

敘惟勤敷陳罔既

寄居官

代董制師通許侍郎

奕

劉閣學

光祖○宋史許奕字成子簡州人以

父任為長江簿慶元五年寧宗親擢進士第一歷起居舍人韓侂冑議開邊奕貽書止之侂冑不樂遣奕使金人聞奕名久禮迓甚恭乃卒行成還奏帝優勞久之權禮部侍郎攝兼侍讀每進讀至古今治亂必參言時事帝曰如此則經筵不徒設矣遷吏部侍郎兼修玉牒官兼權給事中進龍圖閣待制加寶謨閣直學士卒贈通議大夫奕天性孝友所著有毛詩說論語尚書周禮講義奏議雜文行世○劉光祖已見

石坳和墨蹟升獻納之班

新唐書百官志起居舍人分侍左右秉筆隨宰相入殿若

伏在紫宸內閣則夾香案分立殿下直二螭首和墨濡筆皆即坳處時號螭頭

玉壘分符更冒

蕃宣之寄

玉壘山在茂州汶川縣東四里出壁玉蜀都賦包玉壘以為宇杜詩玉壘浮雲變古今

歸然地重

歸山貌魯靈光殿賦歸然獨存

最爾人微實惟隣寶之依

左傳

親仁善隣國之寶也

敢廢書函之敬

吳張溫使蜀謂先主曰謹奉所齎書函

恭惟某

官清時碩德名世真儒

法言如用真儒無敵乎天下桓榮傳詔賜奇果受者皆懷之榮

獨舉手捧之以拜帝笑曰此真儒生也

惟其特立而獨行造道自得

韓文特立

而獨行道故能難進而易退經德不回

禮記事君難進而易退則位有

序易進而難退則亂也故君子三揖而進一辭而退以遠亂也

至今猶侍臣之冠

山谷詩大

似不蒙稽古力只今猶着侍臣冠

歷年賜方伯之履

左傳五侯九伯女實征之以夾輔周

室賜我先君履履謂所踐履之界也

在外則植旗旄羅弓矢公豈此榮

韓文

在外則樹旗旄羅弓矢
武夫前呵從者塞途

其功之銘鼎彝被絃歌士誠有

望

歐陽公畫錦堂記其豐功盛烈所以銘彝鼎而絃歌者乃邦家之光非閭里之榮也

佇起几

安之烏

詩赤烏几几傳綯貌疏其烏之飾几几然

亟馳介大之珪

詩以其介圭入覲于

王介大也方言東齊海岱之間謂之介

某見謂疎庸誤蒙簡在願乘一障

豈能堪十乘之行

見前

縱駕兩轡何敢作三刀之夢

岑參詩刀

州先入夢雍陶詩今宵難作刀州夢詳見前

冒馬叱馭願在執鞭嗟遠道胡

為來哉孰寬脅息

李詩嗟爾遠道之人胡為乎來哉又捫參歷井仰脅息

居是邦

事其賢者載慰心期

見前

代通費參政

士寅

分小隊於少城將安問政

杜詩元戎小隊出郊垌蜀都賦亞以少城接乎其西少城

在太城西張儀既築太城後一年又築少城詳見前

倚鉅人之長德行可庇身請

裁吾黨之裴然來事是邦之賢者恭惟某官賦資肅括

蹈行中庸長卿吞雲夢之胃豈以八九而芥蒂

司馬相如傳吞

若雲夢者八九其於胃中曾不帶芥注帶芥刺鯁也

太白金岷峨之眼尚餘千萬

之琳琅

韓詩平生千萬篇金薤垂琳琅

簡上帝心

尚書惟簡在上帝之心注簡閱在天心

為公室輔

左傳問于兩社為公室輔

固已重清廟九九之鼎

戰國策周之代

殷得九鼎凡一鼎而九萬人輓之九九八十一萬人謂當應泰階兩兩之符東方朔傳

願陳泰階六符注泰階三台也每台二星凡六星符六星之符驗也天文志魁下六星兩兩而比者曰三能注

能音乃甘松菊之主人新唐書韋表微傳授監察御史裏行不樂曰爵祿譬滋味也人

皆欲之吾年五十拭鏡攔白冒游少年間取一班暫作一級不見其味也將為松菊主人不愧陶淵明云

園林之勝事韓詩園林窮勝事鐘鼓樂清時道之將行也命天將降任

是人佇一馬二童之來東坡司馬溫公神道碑其相惟何太師溫公公來自西一馬二

童萬人環之如渴赴泉孰不見公莫如我先增六鼇四極之重列子斷鼇之足以立四極

又一釣而聲公有無窮之聞聞去民無不獲之夫某繭然

棗昏

莊子蕭然疲役宋書范曄傳和香方序云棗膏昏鈍甲煎淺俗非惟無助于馨烈乃當彌增于尤疾

也棗昏以

重以木訥躡冒清華之選遂塵碧落之班

落碧

比羊玄保

天也李涉詩碧落高高雲萬

里杜詩碧落真難陟詳見前

所期乞一障之乘詎敢作

三刀之夢

見上條

惟是夙仰翹材之館乃今得依通德之

鄉避正堂而舍蓋公定難屈致置盂水以教龐守尚幸

告忠

俱見前

回寄居官

楊南平○李涪州蒲運管○侯茂州

再命專城甚慚惻

日古詩陌上桑四十專城居張正見採桑詩恐疑夫婿遠聊復答專城

左傳翫歲而惕
日其與幾何

六條察郡誤玷觀風

見前

所幸依長者之

牆

法言倚孔子之牆

用是攬慨然之轡

見前

曾修辭之不敏

左傳取告

不敏又謝
不敏焉

辱委贄以相先恭惟

楊南平牟涪州

文武兼資

後漢書陳

藉傳聰明寬達文武兼姿臣不如李膺劉歆曰姿是姿
貌此當作資朱雲傳平陵朱雲兼資文武忠勇有智略
可使試守御史大夫朱穆傳朱公兼資文武海內奇士
盧植傳九江蠻反四府選植才兼文武拜九江太守魏
志蔣濟傳兼資文武服勤盡職魏名臣奏孟達薦王雄
疏雄才兼資文武忠烈之性踰越倫輩蜀志關羽傳孟
超兼資文武勇略過人晉書劉弘傳將軍文武兼資王
衍傳中國已亂當賴芳伯宜得文武兼資以任之張重
華傳謝艾文武兼資國之方邵南史到洽傳謝朓文章
盛于一時見洽深相賞好每稱其兼資文武柳世隆傳

高帝與武帝書曰汝既入朝當須文武兼資人世隆其人也褚玠傳贊公平諒直兼資文武是儀傳魯王天挺懿德兼資文武北齊書魏劔傳劔有當世材兼資文武裴行儉傳帝親勞宴曰行儉提孤兵深入萬里兵不血刃而叛黨禽夷可謂文武兼備今授二職乃除禮部尚書兼右衛大將軍唐書王珪傳兼資文武出將入相吾不如循良可紀循吏傳董仲舒公孫弘○侯守

李靖

循良可紀

兒寬居官可紀者三人

○侯守

器博而

周才弘以毅

蒲運管云

洵美且仁

詩不如叔也洵美且仁注洵信也言叔信美好而又

有仁德

柔嘉維則

詩仲山甫之德柔嘉維則注和柔而美善惟可以為法則

○汎回衆官云

筆力挾岷詞源倒峽

見前

作為黼黻卿雲河漢之無窮

劉峻

廣絕交論舒向金玉淵海卿雲黼黻河漢

粲然琳琅李杜光燄之固在

韓詩李杜

文章在光燄萬丈長平
生千百篇金薤垂琳琅

有憐弄峨眉之月

李詩一振高名滿帝都歸

來還弄

詎能應益部之星

見前

財匪鬼輸安得有錢而使

鬼

魯褒錢神論有錢可使鬼而況於人乎子夏云死生有命富貴在天吾以為死生無命富貴在錢

粟

非天雨若為轉粟以上天

周書神農之時天雨粟神農耕而種之雖書說禾曰倉帝

起天雨粟青雲扶日風俗通燕太子丹仰天歎天為雨

粟淮南子昔者倉頡作書而天雨粟古今注武帝建元

四年天雨粟宣帝地節三年長安雨黑粟竟寧元年南

陽山都縣雨粟色青黑味苦大者如小豆小者如麻子

互見前杜詩

匪藉大家之牛車

兒寬傳大家牛車小家擔負輸租繼屬不絕

轉粟上青天

難沃小雅之牡轡

詩四牡駉駉又六轡沃若

某自知負乘

易負且乘致寇至繫

辭負也者小人之事也乘也者君子之器也小人而乘君子之器盜思奪之矣更愧贈刀王祥初

呂虔有佩刀工相之以為必登三公可服此刀虔謂王祥曰苟非其人刀或為害卿有公輔之量故以相與祥

固辭強之乃受大夫儼然造焉既知感矣司馬相如傳至于蜀都者老大夫搢紳先

生之徒二十有七人儼然造焉是邦事其賢者能勿誨乎

回寄居官賀除漕

依君子之鄉正虞謫滿陳遵傳故事滿百適者斤滿百西曹白請斤注適讀曰謫按舊

法令而歌使臣之雅忽冒恩除小雅皇皇者華詩序君之所以遣使臣也滿除

對亟以顓天尚書以哀顓天期於易地敢意緘滕之賜莊子攝緘滕固

局

過形黼黻之辭恭惟某官厚德嘯枯

見前

英詞發藻

董仲

舒傳發藻辭林

通經學古用西漢以為宗援筆賦辭鑒東坡之

太晚

東坡遠景樓記若夫登臨覽觀之樂山川風物之美軾將歸老于故邱布衣幅巾從邦君于其上酒

酣樂作援筆而賦之以頌黎侯之遺愛尚未晚也

崇金蘭之氣類

繫辭二人同心其利斷金

同心之言其臭如蘭

致水薤之箴規

任棠事已見

送以禮樂而有光恐

孤煩使

詩序送之以禮樂言遠而有光華也莊子煩使之而觀其能卒然問焉而觀其知

編之

詩書而無愧曷稱徽言

韓文鋪張對天之閑休揚厲無前之偉勳編之乎詩書之策而

無愧措之乎天地之間而無虧尚書予旦已受人之微言

某攬轡安能循牆知懼

見前

是邦大夫之賢者知久敬以善交吾黨小子之斐然愧

成章而匪報

詩雖則七襄不成報章又匪報也永以為好也

回鄉官未相識

守鄭公之鄉方規問政

鄭玄傳南山四皓潛充隱耀世嘉其高皆悉稱公然則公者仁

義之正號不必三事大夫也今鄭君鄉宜曰鄭公卿

辱子雲之札有味贈言

漢書谷永

字子雲便筆札故時人云谷子雲之筆札妻君卿之唇舌荀子贈人以言重於金石珠玉說苑贈人以軒不若

贈人以言愧先施之未能感高情之見厚藏惟深於筐筥報

莫辨於瓊琚

見前

回鮮于將仕

汪○詳啓意將仕蓋故人子

五月渡瀘曾奉青油之談笑

諸葛忠武侯出漢中疏五月渡瀘深入不毛後漢書

注瀘水一名若水出旄牛檄外入江有瘴氣三四月必死韓詩聯句從軍古云樂談笑青油幕

十年去

蜀未瞻丹穴之羽毛

山海經丹穴之山有鳥狀如鶴五色而文名曰鳳

敢圖倂

來辱篤世好恭惟某官學優而仕父教之忠

見前

德星出

虛危本南隆衣冠之望

東坡謝二鮮于君以詩文見寄詩我懷元祐初珪璋滿清班維

時南隆老奉使獨未還迂叟向我言青齊歲方艱斯人乃福星遺出虛危間注南隆閩中也鮮于子駿閩中人虛危青齊分野南齊書天文志昇明三年四月歲星在虛危徘徊玄枵之野則齊國有福厚為受慶之符

高

論已河漢信東坡眼目之長

東坡謝二鮮于詩喜聞三子結髮師閔顏高論已

河漢清詩鳴佩環莊子吾驚怪其言若河漢而無極張邦基墨莊漫錄云東坡在海外瓊州士人姜公弼來從學坡題其扇云滄海何曾斷地脉白袍端合破天荒公弼求足之坡云俟汝登科當為汝足後入廣被貢至京師時坡已薨乃詣黃門于許下子由乃為足之曰生長芸間已異芳風流謨下古諸姜還從瓊管魚龍窟秀出羊城翰墨場滄海何曾斷地脉白袍端合破天荒錦衣他日千人看始信東坡眼力長

竊聞塤篪

不替弓冶

前見

章矣是以有慶矣正須子弟之自佳

詩維其有

章矣是以有慶矣注章禮文也言我得見古之明王雖無賢臣猶能使其政有禮文法度政有禮文法度是則我有慶賜之榮也謝玄傳子弟亦何豫人事而正欲使其佳詳見前

喧兮終不可謾兮佇

見公侯之復始

左傳公侯子孫必復其始

某未遑望履先辱鳴謙

見前


識野鶴於未仙固將有後

東坡詩何人更識嵇中散野鶴昂藏未是仙

期廐

駒之越國所向無前

王褒傳過都越國蹶如歷塊



四六標準卷三十二